

M Chinese


Vol. IV

4 13

v. 4

4







醫學正傳卷之四目錄

眩運門二十八

論

防風通聖散

六合湯

川芎散

頭痛門二十九

論

選奇湯

半夏白朮天麻湯

川芎散

清上瀉火湯

一粒金

吳茱萸湯

川芎茶調散

脈法

半夏白朮天麻湯

濟生玉液湯

丹溪活套

脈法

脈法

眉骨痛方

安神湯

白芷散

細辛散

羌活附子湯

加味調中益氣湯

元戎三陽頭痛方

丹溪方法 凡三條

加味六君子湯

芎朮湯

丹溪方法 凡七條

清空膏

澈清膏

羌活清空膏

羌活湯

麻黃附子細辛湯

玉壺丸

如聖餅子



川芎神功散

三因芎辛散

小芎辛湯

寶鑑石膏散

三生丸

茯苓半夏湯

祖傳經驗方

又經驗數貼方

丹溪活套

胃脘痛門三十

論

脈法

丹溪方法凡二十二條

黃連六一湯

連附六一湯

草豆蔻丸

麻黃豆蔻丸

木香化滯湯

三因倉卒散

河間金鈴子散

神聖代鍼散

木附湯

丹溪活套

祖傳加味枳朮丸

已試醫驗一條

腹痛門三十一

論

脈法

丹溪方法凡十五條

高良薑湯

草豆蔻湯

益胃散

厚朴溫中湯

六合散

沒藥散

東垣木香檳榔丸

枳實道中滯丸

瓜蒂散

桂枝加芍藥湯

小建中湯

真武湯



霹靂散

酒煮當歸丸

黃連湯

芍藥甘草湯

加減小柴胡湯

四物苦楝湯

增損當歸丸

苦楝丸

一捏金散

丹溪活套

已試醫驗二條

腰痛門三十二

論

脈法

丹溪方法凡七條

腎着湯

青娥丸

立安丸

補骨脂丸

東垣獨活湯

摩腰丹

煨腎丸

補腎丸

蒼朮湯

川芎肉桂湯

地龍散

拈痛湯

蒼朮復煎散

一粒金丹

加味四物湯

三因安腎丸

獨活寄生湯

如神湯

五積散

丹溪活套

脇痛門三十三

脈法

丹溪方法三條



當歸龍薈丸

木氣實脇痛方

左金丸

破血行氣方

加味二陳湯

肝苦急方法

左脇痛方

控涎丹

咳嗽脇痛方

氣弱人脇痛方

去滯氣痛方

肥白人脇痛方

瘦黑人脇痛方

又丹溪方法凡五條

推氣散

枳芩散

異香散

分氣紫蘇飲

芎藭湯

丹溪活套

已試醫驗一條

諸氣門三十四

論

脈法

丹溪方法凡五條

清膈丸

正氣天香湯

子和木香檳榔丸

蘇合香丸

蘇子降氣湯

異香散

沈香降氣湯

復元通氣散

木香流氣飲

丹溪活套

疝氣門三十五

論

脈法

丹溪方法凡十三條



三因葱白散

又丹溪方法凡四條

疝氣神方

又治疝方

五葉湯

肥人腫疝方

吳茱萸湯

茴香棟實丸

蒺藜湯

木香散

香殼散

沈香桂附丸

加味五苓散

茴香棟實丸

天台烏藥散

濟生葵子湯

丁香棟實丸

一捻金散

丹溪活套

祖傳馬蘭花丸

腳氣門三十六

論

脈法

丹溪方法一條

治溼熱腳氣方

防己飲

健步丸

加味四物湯

治食積流注方

轉筋屬血熱方

羌活導滯湯

開結導引丸

麻黃左經湯

當歸拈痛湯

半夏左經湯

六物附子湯

換腿丸

五積散

導水丸

除溼丹

三花神祐丸

祖傳杉木節飲



又經驗勝溼餅子

痛風門 三十七

論

加味四物湯

脈法  
又丹溪方法 六條

丹溪方法 凡一十條  
治上中下痛方

大羌活湯

四妙散

飲酒溼痠痛風方

痢後亡陰方

陰火痛風方

肢節腫痛方

二妙散

潛行散

手臂痛方

加味二陳湯

治痛風神效方

婦人胸背脇走痛方

治走注疼痛方

定痛丸

世用草藥獲效辨

黃芪酒

獨活寄生湯

防風天麻散

舒筋湯

祖傳九藤酒

經驗加味二妙丸

經驗川木通湯

經驗薰洗痛風法

痿証門 三十八

論

溼痰加味二陳湯

脈法  
血虛加味四物湯

丹溪方法 凡九條  
氣虛加味四君子湯



又丹溪方法 二條

大防風湯

治痿加味四物湯

東垣健步丸  
經驗鹿角膠丸

諸虫門 三十九

論

脈法

丹溪方法 凡二條

治蠶桃仁湯

雄黃銳散

寶鑑化虫丸

集效丸

萬應丸

白蠟塵丸

黑鉛栝榔散

化虫丸

苦棟湯

前胡湯

茱萸根湯

五膈下氣丸

千金散

三聖飲子

五鳳丸

雷公丸

廣濟療蛔虫方

又治蛔虫方

祖傳栝榔丸

經驗陰蝕瘡方

治發砂醫按 一條

醫學正傳卷之四目錄終

醫學正傳

傳

卷四目錄

四

會文堂書局印行







醫學正傳卷之四

花溪恆德老人虞搏天民編集

眩運二十八

論

內經曰諸風掉眩皆屬肝木又曰歲木太過風氣流行脾土受邪民病飧泄食減甚則忽  
忽善怒眩冒顛疾雖為氣化之所使然未必不由氣體之虛衰耳其為氣虛肥白之人溼  
痰滯於上陰火起於下是以痰挾虛火上衝頭目正氣不能勝敵故忽然眼黑生花若坐  
舟車而旋運也甚而至於卒倒無所知者有之丹溪所謂無痰不能作眩者正謂此也若  
夫黑瘦之人軀體薄弱真水虧欠或勞役過度相火上炎亦有時時眩運何溼痰之有哉  
大抵人肥白而作眩者治宜清痰降火為先而兼補氣之藥人黑瘦而作眩者治宜滋陰  
降火為要而帶抑肝之劑抑攷內經有曰風勝則地動風木太過之歲亦有因其氣化而  
為外感風邪而眩者治法宜祛風順氣伐肝降火為良策焉外有因嘔血而眩冒者胸中  
有死血迷閉心竅而然是宜行血清心自安醫者宜各類推而治之無有不痊者也

脈法

左手脈數熱多 脈澁而芤有死血 右手脈實有痰積 脈虛大必是久病



左手人迎脈緩而浮大者屬風

方法丹溪方法  
凡三條

丹溪曰痰在上火在下火炎上而動其痰也此證屬痰者多蓋無痰不能作眩也雖有因風者亦必有痰又曰火動其痰二陳湯加黃芩蒼朮羌活挾氣虛者亦以治痰為主兼補氣降火藥

去血過多而眩暈者芎歸湯

眩暈不可當者以大黄酒炒為末茶清調下急則治其標也

防風通聖散治風熱眩暈方見中風門

半夏白朮天麻湯治風痰眩暈方見頭痛門

加味六君子湯治氣虛痰感兼挾風邪眩暈不休者

陳皮去白  
一錢 半夏湯泡遠  
錢五分 茯苓一錢 甘草五分 荊芥穗五分

右細切作一服加生薑三片大棗二枚水二盞煎至一盞去粗入竹瀝一大匙溫服

六合湯治風虛眩暈

四物湯加秦芫羌活為佐水煎服之

玉液湯治七情感動氣鬱生涎隨氣上衝頭目眩暈心嘈忪悸肩稜骨痛



大半夏

湯泡七次  
去皮臍

右以一味薄切成片每服四錢加生薑十片煎入沈香磨水一呷服大效

芎朮湯治冒雨中溼眩暈嘔逆頭痛不食等證

川芎

半夏 泡透

白朮 各一錢  
二分

甘草 六分炙

右細切作一服加生薑七片水一盞半煎至一盞溫服

川芎散治風眩暈

山茱萸 一兩  
去核

山藥

甘菊花

人參

茯神

小芎藭 各五錢

右為細末每服二錢溫酒調下

丹溪活套云眩暈者中風之漸也如肥白人氣虛而挾痰者四君子湯倍蜜炙黃芪加半

夏橘紅或少加川芎荆芥穗以清利頭目也 如痰盛而挾氣虛者二陳湯加人參白

朮黃芪或少加炮附子煎入竹瀝薑汁服 如體瘦血虛而痰火兼盛者二陳湯合四

物加片苓薄荷煎入竹瀝薑汁童便服 如諸般眩暈挾風則加防風荆芥天麻秦艽

等藥挾熱加片苓黃連梔子之類挾寒加乾薑官桂附子之屬無有不安者也

頭痛 二十九

論

醫

學

正

傳

卷四

二



內經曰新沐中風則為首風又曰首風之狀頭面多汗惡風當先風一日則病甚頭痛不可以出內至其風日則病少愈東垣曰金匱真言論曰東風生於春病在肝膈在頸項故春氣者病在頭又諸陽會於頭面如足太陽之脈病衝頭痛足少陽之脈病頭角頷痛夫風從上受之風寒傷上邪從外入客於經絡令人振寒頭痛身重惡寒病在風池風府調其陰陽不足則補有餘則瀉汗之則愈此傷寒頭痛也頭痛耳鳴九竅不利者腸胃之所生乃氣虛頭痛也心煩頭痛者病在膈中過在手巨陽少陰乃溼熱頭痛也如氣上不下頭痛顛疾者下虛上實也過在足少陰巨陽甚則入腎寒溼頭痛也如頭半寒痛者先取手少陽陽明後取足少陽陽明此偏頭痛也有真頭痛者甚則腦盡痛手足寒至節者死不治有厥逆頭痛者所犯大寒內至骨髓髓者以腦為主腦逆故令頭痛齒亦痛也凡頭痛皆以風藥治之者總其大體而言之也高巔之上惟風可到故味之薄者陰中之陽乃自地升天者也然亦有三陰三陽之異故太陽頭痛惡風脈浮緊川芎羌活獨活麻黃之類為主少陽經頭痛脈弦細往來寒熱柴胡為主陽明頭痛自汗發熱惡寒脈浮緩長實者升麻葛根石膏白芷為主太陰頭痛必有痰體重或腹痛為痰癖其脈沈緩蒼朮半夏南星為主少陰經頭痛三陰三陽經不流行而足寒氣逆為寒厥其脈沈細麻黃細辛附子為主厥陰頭頂痛或吐涎沫厥冷其脈浮緩吳茱萸湯主之血虛頭痛川歸川芎為主



氣虛頭痛人參黃芪為主氣血俱虛頭痛調中益氣湯少加川芎蔓荊子細辛其效如神  
白朮半夏天麻湯治疫厥頭痛藥也清空膏乃風溼熱頭痛藥也羌活附子湯治厥逆頭  
痛藥也如溼氣在頭者以苦藥吐之不可執方而治先師嘗病頭痛發時面頰青黃暈眩  
目不欲開懶言身體沈重兀兀欲吐潔古曰此厥陰太陰合病名曰風疫頭痛以局方玉  
壺丸治之更灸俠谿穴即愈是知方者體也法者用也徒執體而不知用者弊體用不失  
可謂上工矣學者其可執一而不知變乎

脈法

內經曰寸口脈中手短者頭痛也

脈經曰陽弦則頭痛又曰寸口脈浮中風發熱頭痛

脈緊頭痛是傷寒邪脈緊上寸口者傷風頭痛

脈訣云頭痛短濇應須死浮滑風疫皆易除

方法丹溪方法  
尺七條

丹溪曰頭痛多主於痰痛甚者火多宜清痰降火

勞役下虛之人似傷寒發熱汗出兩太陽穴痛甚此相火自下衝上宜補中益氣湯加

川芎當歸甚者加知母蔓荊子細辛



諸經氣滯亦作頭痛宜分經理氣治之

偏頭風在右屬痰屬熱痰用蒼朮半夏熱用酒制片黃芩在左屬風及血虛風用荆芥

薄荷或云荆芥薄荷是頭痛要藥宜詳証加用血虛用芎歸芍藥酒黃柏諸家不分所屬故藥多不效少

陽偏頭痛者多大便秘或可下之

一方治風溼熱頭痛神效

片苓一兩酒制炒

蒼朮

羌活

防風各五錢

蒼耳子三錢

細辛二錢

右為細末以生薑一片搗細和藥末三錢搗勻茶清調下一方有生甘草酒連川芎

炒半夏麩無防風細辛

一方治少年強壯人氣實有痰或頭暈而重痛立效

大黃酒拌炒乾再拌三次

右為細末茶清調下三錢立效

一方治眉稜骨痛屬風熱與痰

白芷

片苓酒制炒

右各等分為細末每服二錢茶清調下

選奇湯治眉骨痛不可忍神效

羌活

防風各三錢

甘草

一錢夏生冬炒

酒片苓

一錢半冬不用熟甚者冬亦炒用

石細切作一服水一盞半煎至一盞食後服



又方因風寒眉骨痛不止者

川烏

草烏

各一錢已上二味俱用童便浸二宿炒用

細辛

羌活

片苓

酒拌炒

甘草

炙各五分

右為細末分二服茶清調下

清室膏治偏正頭痛年深久不愈者善療風溼熱頭痛上壅頭目及腦痛不止者除血虛

頭痛不治

川芎

五錢

柴胡

七錢

黃連

酒炒

防風

去蘆

羌活

各一兩

甘草

炙一兩五錢

片黃芩

三兩切片酒拌溼半炒一半晒乾

右為細末每服二錢熱盞內入茶清少許湯調如膏臨臥抹口內少用白湯送下如

苦頭痛每服加細辛二分如太陰脈緩有痰名痰厥頭痛減羌活防風川芎甘草加

半夏麩一兩五錢如偏正頭痛服之不愈減羌活防風川芎一半加柴胡一倍如發

熱惡熱而渴此陽明頭痛只服白虎湯加香白芷立愈

半夏白朮天麻湯治痰厥頭痛眼黑頭旋惡心煩悶氣促上喘無力以言心神顛倒目不

敢開如在風雲中頭苦痛如裂身重如山四肢厥冷不得安臥

黃柏

一分

乾薑

二分

澤瀉

白茯苓

天麻

黃芪

人參

蒼朮

各三分半

神麩

炒

白朮

各五分

麥蘖麩

半夏

湯泡去皮

橘紅

各七分半



右細切共作一服水二盞加生薑三片煎至一盞去粗稍熱服食前可一服而愈此頭痛甚謂之足太陰痰厥頭痛非半夏不能除眼黑頭旋風虛內作非天麻不能療黃芪甘溫瀉火補氣實表止汗人參甘溫瀉火補中益氣二朮俱苦甘溫除溼補中澤瀉茯苓利小便導溼橘皮苦溫益氣調中神麩消食蕩胃中滯氣大麥蘗寬中助脾乾薑辛熱以滌中寒黃柏苦寒酒洗以療冬天小火在泉發躁也

安神湯治頭痛頭旋眼黑

生甘草

炙甘草

各二分

柴胡

升麻

生地黄

酒浸洗各五分

防風

二分半

知母

酒浸炒五分

黃柏

酒拌炒

羌活

各一錢

黃芪

一錢五分

右細切作一服水二盞煎至一盞半加蔓荊子五分川芎三分再煎至一盞去粗臨

臥稍熱服

徹清膏

蔓荊子

細辛

各一錢

薄荷葉

川芎

各三錢

生甘草

炙甘草

各五錢

藁本一兩

右為細末每服二錢食後茶清調下

川芎散治頭目不清利

川芎

錢五

柴胡

錢七

羌活

防風

藁本

生甘草

升麻

各一兩

炙甘



草

生地黄各一兩半 酒黃連炒

酒片苓各三兩

右為細末每服二錢食後茶清調下

白芷散

一名鬱金散

治諸熱苦頭痛

鬱金一錢

白芷

石膏各二錢

雄黃

芒硝

薄荷葉各三錢

右為細末口含水鼻內搐之

羌活清空膏

蔓荊子一錢

黃連三錢

羌活

防風

甘草各四錢

片苓一兩

右為細末每服一錢茶清調下食後或臨臥服

清上瀉火湯昔有人年少時氣弱常於氣海三里穴節次灸之至年老成熟厥頭痛雖冬天大寒猶喜寒風風吹之頭痛即愈略來煖處或見烟火其痛復作此灸之過也

荊芥穗

川芎各二分

蔓荊子

當歸身

蒼朮各三分

酒黃連

生地黄

薑本各四分

生甘草二分

升麻

防風各三分半

酒黃栢

炙甘草

黃芪各五分

酒黃芩

酒知母各七分

羌活八分

柴胡一錢

細辛三分

酒紅花少許

右細切作一服水二盞煎至一盞去粗食後稍熱服

細辛散治偏正頭痛



細辛

瓦松各二分

生黃芩

芍藥各三分

酒黃連

川芎各五分

黃芩酒炒

甘草炙各八分

柴胡去蘆一錢

右細切作一服水一盞半煎至一盞食後服

羌活湯治風熱壅盛上攻頭目昏眩

甘草炙一分半

澤瀉三分

酒括萋根

白茯苓

酒黃柏各四分

柴胡五分

防風

酒黃芩

酒黃連

羌活各六分

右細切作一服水二盞煎至一盞食後或臨臥服

一粒金治偏頭風

華撥

一兩半以猪胆汁拌勻入胆內懸掛陰乾用

玄胡索

青黛

白芷

川芎各一兩

右為細末無根水為丸每用一丸以無根水化開搐鼻內外以銅錢二三文咬口內出涎

羌活附子湯治客寒犯腦痛及齒亦痛名曰腦風

麻黃不去節

附子炮

防風

白芷

疆蚕

黃柏各七分

羌活

蒼朮各五分

升麻二分

黃芪三分

甘草二分

佛耳草三分無數不用

右細切作一服水二盞煎至一盞去粗溫服

麻黃附子細辛湯治三陰三陽經不流行而足寒氣逆為寒厥頭痛其脈沈細



麻黃

細辛 各六錢

附子

一个去皮 臍生用

右細切水三升三合先煮麻黃令沸減七合掠去上沫納諸藥煎取一升去粗分三服

吳茱萸

熱水泡 三五次

生薑

各五錢

人參 二錢五分

右細切作一服水二盞大棗一枚煎至一盞去粗溫服

加味調中益氣湯治氣血俱虛頭痛其效如神

陳皮

黃柏 酒炒各 三分

升麻

去粗

柴胡

去蘆各 四分

人參

甘草 炙

蒼朮

各六分 米泔浸

黃芪 一錢

川芎 六分

蔓荊子

三分 去皮

細辛 二分

右細切作一服水二盞煎至一盞去粗溫服一方有木香二分無黃柏如大便虛坐不得或了而不了腹中逼迫此血虛血澁也加當歸身五分

愚按東垣謂此方治氣血俱虛頭痛本方加當歸一味雖無已上証亦恐不可缺也

玉壺丸治風溼頭痛亦治痰患

雄黃

一錢 研飛

南星

煨裂

半夏

湯泡七次 去皮臍

天麻

酒浸

白朮

各二錢 去蘆

右為細末薑汁浸蒸餅為丸每服二十九薑湯下

川芎茶調散治諸風上攻頭目昏痛鼻塞聲重



薄荷四兩去梗用葉

荊芥穗

川芎各二兩

羌活

白芷

甘草各一兩炙

細辛五錢

防風五分

右為細末每服二錢食後茶清調下

醫聖元戎治三陽頭痛方

羌活

防風

荊芥穗

升麻去黑皮及內朽

葛根去粗皮

白芷

石膏

大椒

柴胡去蘆

川芎

芍藥酒炒

細辛

葱白連鬚者

右各等分細切五錢水二盞煎至一盞溫服

如聖餅子治風寒伏留陰經痰飲氣厥頭痛

防風

天麻各五錢

南星

乾薑

川芎

甘草各一兩

半夏五錢

川烏去皮臍火炮一兩

右為細末蒸餅糊調捻作餅子如錢樣每用五餅同荊芥末細嚼茶清送下

川芎神功散治風熱上攻頭目令人偏正頭痛

川芎

川烏如上同製法

白芷

南星炮

麻黃各一錢去節

甘草五分炙

右細切作一服加生薑三片大棗一枚水一盞半煎至一盞去粗食後溫服

三因芎辛散治傷風寒生冷及氣虛痰厥頭痛如破兼眩暈嘔吐

附子去皮臍生用

烏頭去皮生用

南星

乾薑

甘草炙

川芎

細辛各一錢



右細切作一服加生薑五片茶芽少許水二盞煎至一盞去粗溫服

小考辛湯治風寒在腦或感邪溼頭重而眩暈嘔吐

川芎二錢 細辛 白朮各一錢 甘草五分

右細切作一服加生薑五片茶芽少許水煎服

寶鑑石膏散治陽明經頭痛大效

川芎 石膏 白芷各等分 右為細末每服四錢茶清調下

三生丸治痰厥頭痛

半夏 白附子 南星各等分

右為細末生薑自然汁浸蒸餅為丸如菘豆大每服四五丸食後薑湯送下

茯苓半夏湯治風熱痰逆嘔吐頭痛

半夏二錢 赤茯苓一錢 片黃芩 甘草 橘紅各五分

右細切作一服加生薑三片水一盞半煎至一盞溫服

祖傳經驗治頭風熱痛不可忍者

小川芎一兩 白芷五錢 細茶芽三錢 荆芥穗四錢 片黃芩二兩  
酒拌

溼炒再拌再炒如  
此三次不可令焦  
薄荷葉五分



右為細末每服二錢白湯或茶清調下

又經驗敷貼頭風熱痛

朴硝

大黃 各等分

右為細末用深井底泥和捏作餅子貼兩太陽穴神驗

丹溪活套云凡治頭風必以二陳湯加川芎白芷為主 如太陽經頭痛加羌活 少陽

經加柴胡黃芩 陽明經加石膏白芷 太陰經加蒼朮 少陰經加細辛 厥陰經加

吳茱萸 如肥人頭痛必是溼痰加半夏蒼朮 如瘦人頭痛是熱上壅多加酒洗

片黃芩 如因感冒而頭痛者宜加防風羌活藁本升麻柴胡葛根之類 如氣虛而

頭痛者宜加黃芪人參東垣安神湯之類 如風熱在上而頭痛者加天麻蔓荊子台

芎酒片苓之類 如苦頭痛者宜用細辛 如形瘦色弊而頭痛者是血虛宜用歸芎

芍藥酒黃柏之類 如頂顛痛者宜藁本酒炒升柴

胃脘痛 俗呼為心痛 三十

論

內經曰木鬱之發民病胃脘當心而痛上支兩脇痛膈噎不通食飲不下蓋木氣被鬱發則太過故民病有土敗木賊之候也夫胃為脾之腑陽先於陰故臟未病而腑先病也甚而



至於腸下如刀割之痛者已連及於臟矣古方名為脾疼者是也胃之上口名曰賁門賁門與心相連故經所謂胃脘當心而痛今俗呼為心痛者未達此義耳雖曰運氣之勝復未有不由清痰食積鬱于中七情九氣觸于內之所致焉是以清陽不升濁陰不降而肝木之邪得以乘機侵侮而為病矣更原厥初致病之由多因縱恣口腹喜好辛酸恣飲熱酒煎煇復食寒涼生冷朝傷暮損日積月深自鬱成積自積成痰痰火煎熬血亦妄行痰血相雜妨礙升降故胃脘疼痛吞酸噯氣嘈雜惡心皆膈噎反胃之漸者也俗醫不完其源例以辛香燥熱之劑治之以火濟火遂成危劇良可痛哉古方九種心痛曰飲曰食曰風曰冷曰熱曰悸曰虫曰疰曰來去痛夫所謂冷者惟一耳豈可例以熱藥治之乎詳其所由皆在胃脘而實不在於心也有真心痛者大寒觸犯心君又曰汚血衝心手足青過節者且發夕死夕發且死醫者宜區別諸証而治之無有不安之理也

### 脈法

脈經曰陽微陰弦則胸痺而痛責其虛也今陽虛知在上焦所以胸痺心痛者以其脈陰弦故也

胸痺之病喘息欬唾胸痺痛短氣寸口脈沈而遲關上小緊而數  
心脈微急為痛微大為心痺引背痛



脈短而數者心痛 瀉者心痛

脈浮大弦長者死

方法丹溪方法凡二十一條

丹溪曰心痛即胃脘痛須分久新若明知身犯寒氣口得寒物而病於初得之時當用溫散溫利之藥若病久則成鬱矣鬱則成熟原病式中脩言之矣若欲行溫散溫利寧無助火添病耶由是古方多用山梔子為君熱藥為之嚮導則邪易伏病易退病安之後若縱恣不改前非病必再作難治矣此病雖日久不食不死又曰中宮有食積與痰而生病者胃氣亦賴所養卒不便虛雖日數多不食不死若痛方止即吃物病必復作勿歸咎於醫也必須再服三五服藥後以漸而少食方可獲全安

心膈大痛攻走腰背發厥嘔吐諸藥不效者就吐中以鵝翎探之出痰積碗許而痛即止脈堅實不大便者下之亦可

一方用黃荊子炒焦為末米飲調服一云上可治心痛下可治白濁

又方用藍葉搗細取汁合薑汁服

又方用青黛以薑汁入湯調服

又方用海粉佐以香附末以川芎山梔子煎湯入薑汁調服



又方無藥處以鹽置刀頭燒紅淬入水中乘熱飲之吐痰而愈此法治絞腸痧大痛幾死者立效

又方治心痛輕者以麻黃桂枝之類散之或以韭汁開提之重者加石礮

又方痛甚者脈必伏宜溫藥附子之類不可用人參白朮蓋諸痛不可補氣故也

又方治氣實者用牡蠣粉一二錢溫酒調下

又方治溼痰作痛用白螺螄殼去泥沙火煨為細末每服方寸匕溫酒調下立止

又方以物輕按而痛定者屬虛以二陳湯加炒乾薑末和之而愈

又方山梔大者七枚或九枚炒焦黃用水一盞煎七分入生薑自然汁二三匙令辣熱飲之立止

又方山梔子劫止之後復發者前藥必不效用玄明粉一錢匕白湯送下立止

又方治平日喜好熱物致死血流於胃口而作痛者以桃仁承氣湯下之安

又方治死血作痛証用玄胡索一兩半桂心紅花滑石紅麴各五錢桃仁三十箇蒸餅丸服效

又方治虫痛者必面上有白斑唇紅能食時作時止用二陳湯加苦楝根煎服

又方治痰積胃脘作痛白螺殼丸



白螺螭殼火燉

滑石炒

山梔子

香附童便浸

南星煨裂各一兩

枳殼麩炒黃色

青皮

木香

半夏

砂仁各五錢

莪朮一兩

右為末春加川芎夏加黃連秋冬加吳茱萸用生薑汁浸蒸餅為丸如茱萸大每服

五十九薑湯下

黃連六一湯治多食煎炒或燒餅米胖等物致熱鬱胃口而痛者甚效方見嘔吐門

連附六一湯治胃脘痛甚諸藥不效者寒因熱用方也

黃連六錢

附子炮去皮臍一錢

右細切作一服加生薑三片大棗一枚水一盞半煎至一盞去粗稍熱服

草薺丸治客寒犯胃作痛或因溼熱鬱結作痛亦可切而止之又治氣弱心痛亦妙

草薺薺一兩

橘紅

吳茱萸湯泡焙乾

人參

白殭蚕

黃芪

益智仁各八錢

生甘草

炙甘草

當歸身

青皮各六錢

澤瀉小便多者減半

半夏各一兩

桃仁去皮尖七十箇

麥蘖各一兩半炒

神麩炒微黃

柴胡腸不痛減半

薑黃各四錢

右為細末桃仁另研如泥入諸藥中和勻再研湯浸蒸餅為丸如梧桐子大每服三

十九白湯送下食遠



麻黃豈菟丸治客寒犯胃心頭大痛不可忍

木香

青皮

紅花

厚朴

薑制各二錢

蘇木

三分

華澄茄

四分

升麻

半夏

湯泡七次

麥藥麩

砂仁

黃芪

白朮

陳皮

去白

柴胡

炙甘草

吳茱萸

當歸身

各五分

益智仁

六分

神麩

炒一錢

麻黃

不去節二錢

右為細末湯浸蒸餅為丸如梧桐子大每服五十九丸白湯下或細嚼白湯送下亦可

木香化滯湯治因憂食溼麩結於胃脘腹皮抵痛心下硬微滿不思飲食食之不散常常

痞氣不安

方見痞滿門

三因倉卒散治氣自腰腹間攻心痛不可忍腹中冰冷自汗如洗手足攣急厥冷

山梔子

大者四十九枚連皮槌碎炒焦

附子

一枚炮去皮臍

右為末每服二錢酒一盞煎八分溫服

金鈴子散治熱厥心痛

金鈴子

玄胡索

各一兩

右為細末每服二錢溫酒調下白湯亦可

神聖代鍼散治心腹諸痛

乳香

沒藥

當歸

白芷

川芎

各五錢

羌活

一兩去起足炒



右為細末每服一分病甚者五分先點好茶一盞次搽藥末在茶上不得吹攪立地  
細細呷之心痛欲死者服之立效小腸氣搐如角弓膀胱腫硬一切氣刺虛痛併婦  
人血癖血迷血運血刺痛衝心胎衣不下難產但是一切因血作痛之疾服之大有  
神效

朮附湯治寒厥暴痛脈微氣弱

附子泡五分

白朮二錢

甘草一錢

右細切作一服水一盞半入生薑五片大棗二枚煎至一盞去粗溫服此藥又治風  
濕相搏身重煩疼不能轉側不嘔不喝大便堅實小便自利及風虛頭目眩暈不知  
食味煖肌補中助陽氣止有汗之聖藥也

丹溪活套云草豈菟一味性溫能散滯氣利膈上痰若胃腕果因寒而作痛用之如鼓應  
桴若溼痰鬱結成痛者服之多效若因熱鬱而痛者理固不當用此但宜以涼藥監製  
如芩連梔子之屬其功尤速東垣草豆蔻丸寒熱心痛俱獲奇功但因熱者不可多服  
久服恐有積溫成熱之患耳若久病鬱熱已膠固者斷不可用此味也 胃中若有流  
飲清痰作痛腹中漉漉有聲及手足寒痛或腰膝脊脇抽掣作痛者用小胃丹或三花  
神祐丸或控涎丹漸漸服之能徹去病根即止



祖傳經驗加味枳朮丸治清痰食積酒積茶積肉積在胃脘當心而痛及痞滿惡心嘈雜  
噯氣吞酸嘔吐脾疼等証其效如神

白朮 三兩

枳實 炒 黃色

蒼朮 米泔浸 二宿焙

猪苓 去黑皮

麥蘖麩 炒 黃色

神曲 微炒 黃色

半夏 湯泡透 各一兩

澤瀉 去毛

赤茯苓 去皮

川芎

黃連

陳壁土 炒去土

白螺螄殼 煨 各七錢

縮砂仁

草苴蔻

黃芩 陳壁土 同炒

青皮 去白

萊菔子 炒

乾生薑 各五錢

陳皮 去白

香附米 童便 浸

瓜蒞子

厚朴 薑汁 制炒

檳榔 各三錢

木香

甘草 各二錢

吞酸加吳茱萸湯泡寒月五錢熱月二錢半 久病挾虛加人參白扁豆石蓮肉各

五錢 時常口吐清水加炒滑石一兩煨牡蠣五錢

右為細末用青荷葉泡湯浸晚粳米研粉作糊為丸如梧桐子大每服七十九多至

一百丸清米飲送下

一男子年三十五胃脘作痛久矣人形黃瘦食少而胸中常若食飽來求治與加味枳朮丸服不效而日漸大痛叫號聲聞四隣別父母妻子囑付後事欲自殺予與桃仁承氣湯作大劑與之連二服大下瘀血四五碗許困倦不能言語者三日教以稀粥少食漸漸將理病全安復壯如舊



論

內經曰寒氣入經而稽遲泣

與溢通

而不行客於脈外則血少客於脈中則氣不通故卒然

而痛

云

按內經舉痛論言寒邪外客而為痛者甚為詳悉但未能盡述學者自宜檢閱

外有因虛因實因傷寒因痰火因食積因死血者種種不同亦當表而出之庶使學者易為參考焉東垣曰腹中諸痛皆由勞役過甚飲食失節中氣不足寒邪乘虛而客入之故卒然而作大痛經云得昃則止此事難知集論曰傷寒中脘痛太陰也理中湯黃芪建中湯之類臍腹痛者少陰也四逆湯真武湯附子湯之類小腹痛厥陰也重則正陽散回陽丹輕則當歸四逆湯之類太陰連少陰痛甚者當變為下利不止若夫雜病腹痛四物苦棟湯酒煮當歸丸之類夏月腹痛肌熱惡熱脈洪數屬手太陰足陽明黃芩芍藥湯主之秋月腹痛肌寒惡寒脈沈疾屬足太陰足少陰桂枝芍藥湯主之四時腹痛芍藥甘草湯主之原病式曰熱鬱於內則腹滿堅結而痛不可例言為寒也成無已曰陰寒為邪者則腹滿而吐食不下自利益甚腹疔痛太陰証也發汗不解醫反下之因而腹滿時痛者屬太陽也桂枝加芍藥湯主之大實而痛者桂枝加大黃湯主之又曰邪氣聚於下焦則津液不得宣通血氣不得流行或溺溢或血流滯於下而生脹滿硬痛也若從心下至小腹皆硬滿



而痛者是邪實也須以大陷胸湯下之若但小腹硬滿而痛小便利者則是蓄血之証小便不利者則為溺瀦之証也其有血虛瘦弱之人津液枯涸傳送失常鬱火燥熱煎成結糞帶於大小腸之間阻氣不運而作痛者宜以枳實導滯丸備急大黃丸之類先通其滯止其痛然後用四物等生血潤燥之劑以治其本外有卒然心腹大痛欲吐不得吐欲瀉不得瀉唇青厥逆死在須臾此內因食積外感寒邪是名乾霍亂之候也宜急以鹽湯灌之而以鵝翎探吐取涎而愈若夫清痰留滯於胸腹之間食積鬱結於腸胃之內皆能令人腹痛清痰作痛者控涎丹小胃丹之類食積為患者保和丸枳朮丸之類消之枳實導滯丸木香枳榔丸之類下之濁氣在上者湧之清氣在下者提之寒者溫之熱者清之虛者補之實者瀉之結者散之留者行之此治法之大要也學者詳之

脈法

脈經曰脈細小緊急病速進在中腹中刺痛 陰弦則腹痛 弦急小腹痛 尺脈緊臍下痛 尺脈伏小腹痛癥疝 尺脈實小腹痛當利之心腹痛不得息脈細小遲者生脈大而疾者死腹痛脈反浮大而長者死

方法

丹溪方法凡十五條

丹溪曰腹痛有寒有積熱有食積有痰有死血脈弦者多屬食宜溫散之蓋食得寒則滯



得熱則行更宜以行氣或利藥助之無不愈者 脈滑者是痰痰因氣滯而聚阻礙道  
路氣不得宣通而痛宜導痰解鬱 凡痛必用溫散以其鬱結不行阻氣不運故也

臍下忽大痛人中黑色者多死 腹中水鳴乃火擊動其水也

戴氏曰痛甚便欲大便去後則痛減者是食積也綿綿痛而無增減者是寒也時  
痛時止者是熱也其痛有常處而不移動者是死血也痛而小便不利者痰也

治腹痛用台芎蒼朮香附白芷為末薑汁入湯調服

白芍藥止能治血虛腹痛餘俱不治以其酸寒收斂而別  
無溫散之功者也

如飲食過傷而腹痛者宜木香檳榔丸下之

如氣虛之人傷飲食而腹痛宜調補胃氣併消導藥用人參白朮山查神麩枳實麥芽

### 木香砂仁之類

如腹中常有熱而痛此為積熱宜調胃承氣湯下之

小腹實痛用青皮以行其氣

小腹因寒而痛宜肉桂吳茱萸

因寒氣作痛者宜小建中湯加乾薑官桂台芎蒼朮白芷香附

因熱而痛者二陳湯加黃芪黃連梔子痛甚者加炒乾薑從治之

若腹痛不禁下者宜川芎蒼朮湯以治之川芎蒼朮香附白芷茯苓滑石加薑水煎服



高良薑湯治因寒心腹大痛

高良薑三錢 厚朴薑製 官桂各一錢

右細切作一服水一盞半煎至一盞去粗稍熱服

草豆蔻湯治臍腹虛脹作痛

澤瀉二錢 木香三分 神麩四分 半夏 枳實數炒 草豆蔻麩

煨 黃芪春夏勿用 益智仁去殼 甘草炙各五分 青皮 陳皮各六分

川歸七分 茯苓七分

右細切作一服加生薑三片水一盞半煎至一盞溫服

益胃散治因服寒藥過多致腹痛不止

人參 厚朴薑製 甘草炙 白豆蔻去殼 薑黃 乾薑炮

砂仁 澤瀉已上各三分 益智仁六分 陳皮七分 黃芪七分

右細切作一服加薑水煎服

厚朴溫中湯治胃虛寒脹滿疼痛

厚朴 陳皮各一錢 茯苓 草豆蔻麩包 甘草炙 木香各五分

乾薑三分 半炮 右細切加薑水煎服



六合散又名金鑰匙治一切燥熱鬱結汗後餘熱宣轉不通併治小腸氣結心腹滿悶胸中痞

結走注疼痛

大黃一兩酒拌溼蒸

白丑五錢炒

黑丑畧炒

甘遂各五錢

枳榔三錢生

輕粉一錢

右為細末每服一錢蜜水調下量虛實加減服

沒藥散治一切心腹疼痛不可忍者

沒藥另研

乳香另研各三錢

木鱉子四錢去殼

穿山甲五錢糠灰火煨脆

右為細末每服五分或一錢酒大半盞煎三五沸服

木香枳榔丸治食鬱氣滯作痛

木香三錢

枳榔三錢

青皮五錢去白

陳皮五錢去白

麥蘖麩炒七錢

枳實麸炒黃色六錢

白朮五錢

厚朴薑製四錢

右為細末湯浸蒸餅為丸如梧桐子大每服五十丸溫水下食遠

枳實導滯丸治食傷溼熱之物不得施化腹痛滿悶不安以利為度方見內傷門

瓜蒂散治食傷太陰填塞悶亂不快甚則心胃大痛兀兀欲吐者方見中風門

桂枝加芍藥湯治腹滿時痛脈弱



桂枝

甘草各二錢

白芍藥四錢

右作一服薑三片棗二枚水煎服

小建中湯治傷寒陽脈濇陰脈弦腹中急痛者

桂枝

甘草各三分

白芍藥六分

阿膠炒一合

右加薑二片棗二枚水煎服

真武湯治腹痛下痢四肢沈重方見傷寒門

霹靂散治腹痛脈微欲絕

附子

一枚泡取出以糠灰焙之去皮臍

右以一味取五錢重入真臘茶一錢同研細為末分作二服每服用水一盞煎七分

去粗入蜜一匙稍冷服

酒煮當歸丸治小腹寒痛及婦人白帶疝癩大寒等証

茴香五錢

黑附子炮

良薑各七錢

當歸一兩

右四味細切以上好無灰酒一升半煮至酒乾盡焙乾入後藥

炙甘草

苦棟生用

丁香各五錢

木香

升麻各一錢

柴胡二錢

炒黃鹽

全蝎各三錢

玄胡索四錢

右與前四味同研為細末酒煮麪糊為丸如梧桐子大每服五七十丸空心淡醋湯



下忌油膩冷物及酒溼麵

黃連湯治胸中有熱胃中有邪氣腹內痛甚時欲嘔吐此藥升降陰陽

黃連

酒炒

甘草

炙

乾薑

桂枝

各五錢

人參

二錢

半夏

半合泡七次去

臍 右細切入大棗二枚量水煎服

芍藥甘草湯治四時腹痛

白芍藥

酒炒

甘草

炙

右各等分每服五錢細切入生薑三片水一盞半煎至一盞溫服 醫壘元戎云腹

痛脈弦傷氣用本藥 脈洪傷金加黃芩 脈緩傷水加桂枝 脈瀉傷血加當歸

脈遲傷寒加乾薑

加減小柴胡湯治寒熱脈弦腹痛 本方去黃芩加白芍藥

四物苦棟湯治臍下虛冷腹痛

四物湯

六錢

加玄胡索苦棟各一錢五分

右細切水二盞煎至一盞溫服

增損當歸丸治三陰受邪心腹疝痛

四物湯

五錢

防風

獨活

全蝎

各五錢

續斷

原方無

茴香

各一兩

苦棟

酒煮

玄胡索

炒

木香

丁香

各二錢



右為細末酒糊為丸如梧桐子大每服五十九丸白湯下

苦棟丸治奔豚小腹作痛

方見疝氣門

一捏金散治臍腹大痛及奔豚小腸氣等証

玄胡索

川棟子

酒煮

全蝎

去毒炒

茴香

右各等分為細末每服二錢七熱酒調下神驗

丹溪活套云凡腹痛多是血脈凝澀不行必用酒炒白芍藥惡寒而痛加桂惡熱而痛加

黃柏

如腹痛欲以物柱按者屬虛用人參白朮乾薑官桂之類

如腹痛手不可按

者屬實宜用建中湯加大黃或調胃承氣湯加桂枝類下之而愈

如因飲食過傷而作痛者必問因傷何物如傷生冷硬物而作痛者東垣木香見睨丸三稜消積丸之類

如傷熱物而作痛者枳實導滯丸三黃枳朮丸之類看強弱緩急用而下之

如氣虛之人因飲食過傷而腹痛者宜補瀉兼施用二陳湯加川芎白朮神麴麥芽人參蒼朮

之類或送下前推積等丸子以下之

如腹中常覺有熱而暴痛暴止者此為積熱宜調胃承氣湯之類下之

如因跌撲損傷而作痛者此瘀血證宜桃仁承氣湯抵當湯之類逐去其血即愈

如因事損傷或酒後涉水血凝腹痛者大承氣湯加桂



以五靈脂玄胡索乳香沒藥三棱莪朮等作丸服又不效召予治診其六脈皆沈伏兩尺絕無予曰乃結糞在下焦作痛耳非死血也用金城稻葉燒灰淋濃汁一盞服之過一時許與枳實導滯丸一百粒催之下黑糞如梅核者一碗許痛遂止後與生血潤腸之藥十數貼調理平安

一壯年男子寒月入水網魚飢甚遇涼粥食之腹大痛二晝夜不止一醫先與大黃丸不通又與大承氣湯下糞水而痛愈甚召予治診其六脈皆沈伏而實面青黑色予曰此大寒証及下焦有燥屎作痛先與丁附治中湯一貼又與灸氣海穴二十一壯痛減半繼以江子加陳皮木香作丸如菜豆大生薑汁送下五粒下五七次平安

腰痛 三十二

論

內經曰足太陽脈令人腰痛引項脊尻背如重狀少陽腰痛如以針刺其皮中循循然不可以俛仰不可以顧陽明腰痛不可以顧顧如有見者善悲足少陰腰痛引脊內廉厥陰腰痛腰中如張弓弩弦太陰腰痛熱甚生煩腰下如有橫木居其中甚則遺洩又曰大陽所至為腰痛巨陽虛則腰背頸項痛是動則病項如拔俠脊痛腰似折髀不可以曲又曰腰者腎之腑轉搖不能腎將僊矣脈經曰凡有所用力舉重若入房過度汗出如浴水



則傷腎脹者腹滿引背中央然腰髀痛又有腎著之病從腰以下冷腰重如帶五千錢若夫腰痛之証雖有六經見候之不同挫閃腎著之或異或瘀血或風寒或溼痰流注種種不一原其所由未必不因房室過度負重勞傷之所致也經曰邪之所湊其氣必虛是也治法虛者補之杜仲黃柏肉桂當歸五味兔絲子天門冬熟地黃之類風者散之麻黃防風羌活獨活之類寒者溫之肉桂附子乾薑之類挫閃者行之當歸蘇木乳香沒藥桃仁紅花之類瘀血者逐之大黃牽牛桃仁水蛭蝱虫之類溼痰流注者消導之蒼朮撫芎香附白芷枳實橘紅半夏茯苓之類宜各類推而治之不可執一論也

### 脈法

脈經曰尺脈沈腰痛背痛凡腰痛時時失精飲食減少其脈沈滑而遲此為可治

腰痛之脈皆沈弦沈弦而緊者為寒沈弦而浮者為風沈弦而濡細者為溼沈弦而實者為挫閃

也  
丹溪曰脈必沈而弦沈為滯弦為虛濇者是瘀血緩者是溼滑者伏者是痰大者是腎虛

### 方法

丹溪方法  
凡七條

丹溪曰有腎虛有瘀血有溼熱有挫閃有痰諸腰痛不可用補氣藥亦不宜峻用寒涼藥



腎虛腰痛用杜仲黃栢龜板知母枸杞子五味子猪脊骨髓丸服

瘀血宜行血順氣用補陰丸加桃仁紅花外用三稜針於委中穴出血以其血滯於下

也

溼宜燥溼行氣用黃栢杜仲蒼朮川芎之類

戴氏曰疼之不已為腎虛也日輕夜重者是瘀血也遇天陰及久坐而發者是溼也

痰宜南星半夏加快氣藥佐之使痰隨氣運

腰曲不能伸者針委中愈

腎著為病其體重腰冷如冰飲食如故小便自利腰以下冷痛而重治宜流溼兼用温

藥

腎著湯治腎著腰痛

乾薑炮

茯苓各一錢五分

甘草五分

白朮二錢五分

右每服四錢水煎服

三因青娥丸治腎虛腰痛常服壯筋補虛

杜仲一斤

生薑十兩

砂故紙一斤

右為細末用胡桃肉一百二十箇湯浸去皮膜研為膏煉蜜些少丸如梧桐子大每

服五十九鹽湯下或薑湯下



三因立安丸治五種腰痛常服温補腎元壯健腰脚

破故紙炒

乾木瓜各一兩

牛膝酒洗

萆薢二兩

杜仲薑汁炒

續斷各一兩

右為細末煉蜜丸如梧桐子大每服五十九丸温酒下

補骨脂丸治腎虛及寒溼一切腰痛

萆薢

四兩一兩用童便浸一兩用米泔浸一兩用鹽湯浸一兩用酒浸各浸一晝夜

杜仲四兩炒

補骨脂炒香

胡桃肉

八兩浸去油膩另研如泥

右以前三味共研為細末不犯鐵器入胡桃肉用木杵搗千餘下以糯米糊為丸秋

冬以煉蜜為丸如梧桐子大每服五十九丸空心温酒下乾物壓之

獨活湯治勞役腰痛如折

羌活去蘆

防風去蘆

獨活去蘆

澤瀉去毛

肉桂各三錢

大黃酒浸

甘草各二錢

川歸五錢

連翹五錢

防己酒炒

黃柏酒炒各二錢

桃仁三十箇研

每服一兩酒水煎服

摩腰丹治寒熱腰痛

附子尖

烏頭尖

天南星各二錢

硃砂

乾薑各一錢

雄黃

樟腦

丁香各一錢

麝香當門子



右為末蜜丸如龍眼大每用一丸生薑汁化開如厚粥樣烘熱置掌中摩腰上冷盡粘着肉烘綿衣縛定腰熱如火間三日用一丸妙或加吳茱萸桂皮

煨腎丸治腎虛腰痛

杜仲 三錢 炒絲斷

右為細末以猪腰子一隻薄批作五七塊以椒鹽醃去腥水搽藥末在內以荷葉包裏更加溼紙二三重外包慢火煨熟食之無灰酒送下

補腎丸治腎虛腰痛 方見虛損門

蒼朮湯治溼熱腰腿疼痛

防風 黃栢 各一錢

柴胡 二錢

蒼朮 三錢

右細切作一服水一盞半煎至一盞去粗溫服

川芎肉桂湯治瘀血在足太陽足少陰足少陽三經腰痛

漢防己

防風 去蘆各三錢

神麴 炒

獨活 各五分

川芎

柴胡

肉桂

當歸梢

甘草 炙

蒼朮 各一錢

羌活 一錢五分

桃仁 五箇去皮尖另研細

右細切作一服好酒三盞煎至一盞去粗稍熱服食遠

地龍散治腰脊痛或打撲損傷或從高墜下惡血在太陽經令人腰脊痛或髀股脛膕中



痛不可忍

當歸梢二分

中桂

地龍各四分  
水拌炒

麻黃五分

蘇木 六分

獨活

黃栢鹽酒炒

甘草各八分

羌活一錢二分

桃仁六箇去皮  
尖研如泥

右細切作一服水二盞煎至一盞去粗溫服

拈痛湯治溼熱為病肩背沈重肢節腰脇疼痛胸膈不利

白朮四分

人參去蘆

升麻

苦參酒炒

葛根

蒼朮各五分

防風去蘆

知母去毛  
酒洗

澤瀉

黃芩

猪苓去皮

當歸各六分

甘草炙

生黃芩酒洗

茵陳酒炒

羌活各八分

右細切作一服水二盞煎至一盞去粗溫服

蒼朮復煎散治寒濕相合腦後痛惡寒項筋骨強肩背膝眼痛腰痛膝臑痛無力行步

沈重

紅花一分

黃栢三分

柴胡去蘆

藁本

澤瀉

白朮

升麻各五分

羌活一錢

蒼朮四兩

右細切先以蒼朮一味用水三大盞煎至二盞去粗入前藥復煎至一盞去粗空心

稍熱服取微汗為效忌酒及溼麪



一粒金丹治腰膝走注疼痛如虎咬之狀不可忍者

草烏頭炮製

五靈脂各四兩

木鱉子去殼一兩

白膠香二兩

乳香二錢五分

當歸五錢

京墨二錢五分

沒藥五錢

麝香二分半

地龍去泥土淨一兩

右為細末再研千餘下糯米糊丸如梧桐子大每服一丸或二丸多至三丸溫酒下

服藥後微汗神驗

元戎加味四物湯治瘀血腰痛

本方加桃仁泥酒紅花二味煎服

三因安腎丸治腎虛腰痛

破故紙炒

胡蘆芭炒

茴香炒

川苦棟炒

續斷炒各三兩

桃仁炒

杏仁炒

山藥

茯苓各二兩

右為細末煉蜜為丸如梧桐子大每服五十九丸鹽湯下

如神湯治挫閃腰痛甚者不過三服平安

川歸

肉桂

玄胡索各等分杵碎炒

右為細末每服二錢熱酒調下或細切酒煎亦可

獨活寄生湯治因腎虛坐臥冷濕當風所得



獨活 一錢

桑寄生

杜仲 炒

細辛

牛膝

秦艽

茯苓

白芍藥

桂心

川芎

防風

甘草 炙

人參

熟地黃

當歸 各五分

右細切作一服水二盞煎至一盞去粗空心溫服

五積散治寒濕及清痰流注經絡腰膝背脇疼痛

白芷

川芎

桔梗

芍藥

陳皮

厚朴 薑製

茯苓 去皮

甘草

麻黃

乾薑 炮

官桂

川歸

半夏 湯泡七次去皮臍

蒼朮 米泔浸五七日

枳殼 各五分

右細切作一服加生薑三片水二盞煎至一盞溫服

丹溪活套云凡因房勞辛苦而腰痛者四物湯加知母黃柏五味子杜仲之類吞補腎丸

或大補陰丸

因風寒溼流注經絡而作痛者二陳湯加麻黃蒼朮川芎白芷防風羌

活獨活之類

因挫閃跌撲致死血流於本經而作痛者四物湯加桃仁紅花蘇木之

類脈實人壯盛者大承氣湯加桂下之安 有因醉飽入房太甚而酒食之積乘虛流

入於本經致腰痛難以俛仰四物湯合二陳湯加麥蘗神麩杜仲黃柏官桂砂仁葛花

桔梗之類



論

內經曰肝病者兩脇下痛引小腹令人善怒虛則目眈眈無所見耳無所聞善恐如人將捕之又曰怒則氣逆虛則嘔血及飧泄故氣上矣蓋心生血肝納血因大怒而血不歸經或隨氣而上出於口鼻或留於本經而為脇痛又或歲木太過而木氣自甚或歲金有餘而木氣被鬱皆能令人脇痛經曰病脇下滿氣逆二三歲不已病名曰息積是亦肝木有餘之証也外有傷寒發寒熱而脇痛者足少陽膽足厥陰肝二經病也治以小柴胡湯無有不效者或有清痰食積流注脇下而為痛者或有登高墜仆死血阻滯而為痛者又有飲食失節勞役過度以致脾土虛乏肝木得以乘其土位而為胃脘當心而痛上支兩脇痛膈噎不通食飲不下之証醫者宜於各類推而治之毋認假以為真也

脈法

脈經曰肝脈搏堅而長色不青當病墜墮若搏因血在脇下令人喘逆若輒而散

更輻濡軟古通用

其色澤者當病溢飲溢飲者暴渴多飲而溢入於肌膚腸胃之外也

脈經曰肝脈沈之而急浮之亦然若脇下痛有氣支滿引小腹而痛時小便難苦目眩頭痛腰痛足為逆寒時癡婦人月水不來時無時有得之少時有所墜墮



脈雙弦者肝氣有餘兩脇作痛。

丹溪曰脇痛屬肝木氣實

因怒氣大逆肝氣鬱甚謀慮不決風中於肝皆使木氣大實故火盛肝氣急也

有死血因惡血停留於肝搏於脇下而作痛病則自肝痛甚按之益甚也

痰流注因痰積流注於厥陰之經亦能使脇下痛病則咳嗽氣急引脇痛

當歸龍薈丸瀉肝火大盛之要藥因內有溼熱兩脇痛甚伐肝木之氣肝實宜之

當歸 龍胆草 梔子仁 黃連 黃芩 大黃酒溼煨 蘆薈

青黛各五錢 木香二錢五分 麝香五分另研

右為細末神麪糊丸如梧桐子大每服二十九丸生薑湯下

一方加柴胡五錢青皮一兩熱甚者烘熱服

一方木氣實者用川芎蒼朮青皮芍藥柴胡甘草龍膽草各等分水煎服

左金丸瀉肝火行溼為熱甚之反佐

黃連六錢 吳茱萸一錢

右為細末湯浸蒸餅為丸如菜豆大每服三五十九丸淡薑湯下

一方破血行氣治死血作痛之証



桃仁去皮留尖另研

紅花酒拌焙乾

川芎

香附童便浸

青皮各等分

右細切水煎服之

加味二陳湯治溼痰流注脇內作痛

本方加泡南星蒼朮川芎薑水煎服

肝苦急急食辛以散之用撫芎蒼朮或用小柴胡湯蓋本方為脇痛發寒熱者必用之要藥也

左脇痛以柴胡為君加佐使藥川芎青皮龍膽草之類

兩脇走痛或用控涎丹

因清痰流注作痛者可用蓋痰在脇下非白芥子不能達方見痰門

治咳嗽脇痛者二陳湯加南星青皮香附青黛薑汁一云四物湯加青皮等藥以疎肝氣

氣弱之人脇下痛脈細緊或弦多從勞役怒氣得之八物湯加木香青皮或加桂心水煎服之

煎服之

去滯氣用青皮蓋青皮乃肝胆二經藥人多怒脇下有鬱積固宜以解二經之實者若

二經氣血不足先當補血氣少加青皮可也此承上條意思言也

肥白人氣虛發寒熱而脇下痛用參芪補氣柴胡黃芩退熱木香青皮調氣

瘦黑人寒熱脇痛多怒者必有瘀血宜桃仁紅花柴胡青皮大黃之類行之



發寒熱脇痛似覺有積塊必是飲食太飽勞力所致必用龍薈丸治之  
解痛治標藥外用琥珀膏貼之 又方用芥菜子水研敷 又方以吳茱萸醋研水調

敷 又方以韭菜葉搗細炒熱貼而以熨斗盛火熨之

推氣散治右脇痛甚脹滿不食

片薑黃

枳殼麸炒

桂心各五錢

甘草炙三錢

右為細末每服二錢薑湯調下水煎亦可

枳芎散治右脇疼痛不可忍

枳實麸炒

川芎各五錢

甘草炙一錢五分

右為細末每服二錢薑棗湯或酒調下

異香散治腹脇膨脹痞悶噎塞腹脇疝痛

蓬莪朮煨

益智仁

甘草

京三稜各一錢

青皮

陳皮各五分

石蓮肉三分

厚朴薑製三分

右細切作一服加生薑三片大棗一枚白鹽少許水一盞半煎至一盞去粗溫服

分氣紫蘇飲治腹脇疼痛氣促喘急

五味子

桔梗去蘆

紫蘇葉

桑白皮蜜炙

草果仁

陳皮去白



大腹皮酒洗淨

茯苓

甘草炙各五分

右細切作一服加生薑三片白鹽少許水一大盞煎七分去粗空心溫服

芎藭湯治脇下疼痛不可忍者

桂枝

川芎

細辛

乾葛

防風去蘆各八分

芍藥

枳殼

麻黃

人參

甘草炙各四分

右細切作一服加生薑三片水一盞半煎至一盞溫服

丹溪活套云凡脇痛者多是肝木有餘也宜用小柴胡加青皮川芎芍藥龍膽草甚者煎

成正藥入青黛麝香 痰流注者本方倍半夏加橘紅南星蒼白朮茯苓川芎之類

瘀血作痛者小柴胡合四物湯加桃仁紅花或乳香沒藥煎服痛甚而元氣壯實者桃

仁承氣湯下之而愈 性急多怒之人時常腹脇作痛者小柴胡加川芎芍藥青皮之

類煎服甚者以前藥送下當歸龍薈丸其效甚速

金氏子年四十餘因騎馬跌扑次年左脇脹痛醫與小柴胡湯加草龍膽青皮等藥不效

來求治診其脈左手寸尺皆弦數而瀉關脈扎而急數右三部惟數而虛予曰明是死

血証用抵當丸一劑下黑血二升許後以四物湯加減調理而安



論

內經曰百病皆生於氣也故怒則氣上喜則氣緩悲則氣消恐則氣下寒則氣收炆則氣泄驚則氣亂勞則氣耗思則氣結夫人身之正氣與血為配血行脈中氣行脈外一呼脈行三寸一吸脈行三寸氣血並行周流乎一身之中灌溉乎百骸之內循環無端運氣不悖而為生生不息之妙用也經曰一息不運則機緘窮一毫不續則穹壤判若內無七情之所傷外無六淫之所感何氣病之有哉其不善攝生者五志之火無時不起五味之偏無日而不傷是以釀成膠痰固積留滯於六腑鬱火邪氣充塞乎三焦使氣血失其常候腑臟不能傳道是故外邪得以乘虛而湊襲矣以致清陽不升濁陰不降而諸般氣痛朝輟暮作而為膠固之疾非良工妙手莫易治焉若夫為脇痛為心腹痛為周身刺痛甚則為反胃為膈噎等證即此之由也大抵男子屬陽得氣易散女人屬陰遇氣多鬱是以男子之氣病者常少女人之氣病者常多故治法曰婦人宜調其血以耗其氣男子宜調其氣以養其血此之謂也學者宜致思焉

脈法

脈經曰脈滑者多血少氣濇者少血多氣大者血氣俱多脈來大而堅者血氣俱實小者血氣俱少脈來細而緩者血氣俱虛代者氣衰細者氣少浮而絕者氣欲絕



弦大而滑中有短氣 尺脈濇而堅為血實氣虛尺脈細而微血氣俱不足也

劉立之曰下手脈沈便知是氣沈極則伏濇弱難愈其或沈滑氣兼痰飲病也

方法丹溪方法  
凡五條

丹溪曰周流乎一身以為生者氣也苟內無所傷外無所感何氣病之有今冷氣滯氣逆氣上氣皆是肺受火邪氣得炎上之化有升無降薰蒸清道甚而轉成劇病局方例用辛香燥熱之劑以火濟火咎將誰歸 又曰氣無補法世俗之論也以其為病痞滿壅塞似難於補不思正氣虛者不能運行邪滯着而不出所以為病經曰壯者氣行則愈怯者着而為病苟或氣怯不用補法氣何由行 又曰冷生氣者出於高陽生之謬言也病人自覺冷氣從下而上者非真冷也蓋上升之氣自肝而出中挾相火自下而上其熱為甚火極似水陽亢陰微 又曰凡氣有餘便是火是皆為治之正論也可不究與

調氣用木香然木香味辛氣能上升如氣鬱而不達固宜用之若陰火衝上而用之則反助火邪而病甚矣故當用黃柏知母而少用木香佐之

稟受素壯而氣刺痛當用枳殼烏藥若因氣不舒而刺痛當用木香調達之

若肥白人氣刺痛者宜與人參白朮加枳殼木香



一方解五臟結氣益少陰經血用梔子炒令將黑為末以生薑汁入湯同煎飲之其効甚捷

清膈丸治因溼熱氣滯

黃芩

黃連

各五錢炒

香附

一兩五錢

蒼朮

二兩

右為細末新取紅熟瓜萸去皮搗爛和丸如菜豆大每服三五十九白湯下

正氣天香湯治婦人一切諸氣作痛或上凌心胸或攻築脇肋腹中結塊發渴刺痛月水因之而不調或眩暈嘔吐往來熱無問胎前產後一切氣候並皆治之

烏藥

一錢五分

香附

六錢

陳皮

紫蘇

乾薑

各六分半

右細切作一服水一盞半煎至一盞去粗稍熱服

子和木香枳榔丸此藥流溼潤燥推陳致新滋陰抑陽散鬱破結活血通經治男子婦人嘔吐酸水痰涎不利頭目昏眩併一切酒毒食積及米穀不化或下痢膿血大便秘塞風壅積熱口苦煩渴涕唾稠粘膨脹氣滿等證

木香

枳榔

青皮

去穰

陳皮

去白

黃柏

莢朮

煨

枳殼

炒

黃連

去毛

大黃

酒拌溼紙包煨

黑五

取頭末

香附

各一兩童便浸

當歸

一兩五錢

右為細末滴水為丸如梧桐子大每服五七十丸溫水下以利為度



蘇合香凡大能順氣化痰併治傳屍骨蒸勞瘵卒暴心痛小兒驚搐大人中風卒屍等證

沈香 麝香 另研 訶子 核 去 木香 丁香 華撥 安息香 研

為末用無灰酒一升煮為膏 白朮 白檀香 各一兩 薰陸香 另研 蘇合油 和入安

龍腦 另研各一兩 硃砂 另研飛用為衣 烏犀角屑 各五錢 香附子 另末一兩

右為細末研極勻入安息膏及煉蜜和勻丸如梧桐子大空心溫酒化下四丸白湯亦可

蘇子降氣湯治氣不升降痰涎壅塞氣滿氣痛等證

川歸 去頭酒浸 甘草 炙 前胡 去蘆 厚朴 薑製各五分 肉桂 去些皮

陳皮 去白各七分半 半夏 泡 紫蘇子 另研各一錢

右細切作一服加生薑三片大棗一枚水一盞半煎至一盞去粗不拘時服

異香散治胃氣不和飲食不化腹脇膨脹一切冷氣結聚作痛等證 方見脇痛門

沈香降氣湯治陰陽壅滯氣不升降胸膈痞悶噫醋吞酸

沈香 四錢 砂仁 五錢 甘草 炙一兩二錢 香附 童便浸一宿四兩

右為細末每服二錢入鹽少許白湯調下

復元通氣散治跌扑損傷或負重往閃致氣滯於血分作痛併一切氣不宜通瘀血凝滯



周身走痛等證

舶上茴香炒

穿山甲煨

木香兩各半

玄胡索碎炒

白丑取頭末

甘草炙

陳皮去白各一兩

當歸五錢

今加乳香

沒藥各五錢

右為細末每服二錢熱酒調下不飲酒人白湯下病在上食後病在下食前服

木香流氣飲治諸氣痞塞不通胃膈膨脹面目虛浮四肢腫滿口苦咽乾大小便不利

藿香葉

木香不見

厚朴薑制

青皮去白

香附去毛童便浸

麥門冬去心

白芷各七分半

甘草五分

陳皮去白一錢

大腹皮酒洗淨

乾木瓜

人參去蘆

蓬朮木煨

丁香皮不見

半夏湯泡各二分

赤茯苓去皮

石菖蒲各三分

草薺仁五分

紫蘇葉

檳榔

白朮

肉桂

木通各六分

沉香七分

右細切分作二服每服加生薑三片大棗一枚水一盞半煎至一盞去粗服

丹溪活套云蒼天之氣貴乎清淨若浩然充塞乎宇宙之間以為生生不息之運用者此

一元之正氣也彼為雲為霧為風雷為雷霆鼓舞於天地之間者皆山澤濕熱鬱蒸之氣

也在人者亦由是焉其清純之元氣與血並行循環無端未嘗有盈虧也彼衝擊橫行

于臟腑之間而為痛為痞滿為積聚等證者亦由天地間雲雷之鼓舞因溼熱鬱蒸而

發者也溼熱鬱蒸之久在天地則為霖雨雹雪等物在人身者為積聚為癥瘕為痰氣



痞滿之類治之之法在胸臆之間而為痞滿刺痛伏梁等証者二陳湯加枳實黃連桔梗瓜萸仁木香之類在下焦而為奔豚七疝等証者本方加桃仁山查梔子枳核茴香川棟荔枝之類在兩脇攻築作痛者本方加青皮柴胡芍藥草龍膽之類在中焦而為痞滿脹急者本方加木香厚朴檳榔枳殼或用平胃散以平其敦阜之氣惟婦人胎前產後一切氣疾作楚者俱用四物湯為主治加疎通行氣之藥此治氣之大法也學者宜細詳之

疝氣 三十五

論

內經曰肝脈大急沈皆為疝又曰三陽急為瘕三陰急為疝難經曰任脈之為病其內苦結男子為七疝夫所謂七疝者寒水筋血氣狐癩七者是也子和曰寒疝者囊冷結硬如石陰莖不舉或控罩凡而痛得之於坐卧溼地或寒月涉水或值雨雪或坐臥磚石或風冷處使內過勞宜以溫劑下之久而無子水疝者其狀腎囊腫痛陰汗時出或囊腫狀如水晶或囊痒而搔出黃水或少腹按之作水聲得之於飲水醉酒使內過多汗出而遇風寒溼之氣聚於囊中故水冷令人為卒疝宜以逐水之劑下之外有漏針法恐誤不錄筋疝者其狀陰莖腫脹或潰而為膿裏急筋縮或莖中作痛痛極則痒或挺縱不收或出白物如精隨溲而下得之於房室勞傷及邪術所使宜以降心火之劑下之血疝者其狀如黃瓜在少



腹兩旁橫骨兩端約紋中俗名便癱得之於重感春夏大熱勞於使內氣血流溢滲入脬囊留而不去結成癰腫膿少血多宜以和血之劑下之氣疝者其狀上連腎脬下及陰囊多得於號哭忿怒則氣鬱之而脹號哭怒罷即氣散者是也有一治法以針出氣而愈然針有得失宜以散氣之藥下也或小兒亦有此疾俗名偏墜得之於父已年老或年少多病陰痿精怯強力入房因而有子稟胎病也此證難治惟築竇一穴有灸之而愈者穴法宜考經狐疝者其狀如仰瓦臥則入少腹行立則出腹入囊中如狐晝出穴而溺夜入穴而不溺此疝出入往來上下正與狐相類也亦與氣疝大同小異宜以逐氣流經之劑下之癰疝者其狀陰囊大如升斗不痒不痛者是也得之於地氣卑溼故江淮之間多有之宜以去溼之劑下之女子陰戶凸出雖亦此類乃熱則不禁固也不可便認為虛寒而溫之補之本名曰瘕宜以苦藥下之以苦堅之愚按子和論七疝病源至為詳悉但其處方一以攻下之法為主治不能使人無疑耳既曰多由房勞致虛而作其可一例施之以攻下之法乎大抵七疝為病若非房勞所致即是遠行辛苦涉水履水熱血得寒而凝滯於小腸膀胱之分或溼熱乘虛而流入於足厥陰之經古方一以為寒而純用烏附等熱藥為治我丹溪先生獨斷為溼熱此發古人之所未發者也夫熱鬱於中而寒束于外宜其有非常之痛故治法宜驅逐本經之溼熱消導下焦之瘀血而以寒因熱用之法立方處治即



邪易伏而病易退也其攻下之法愚故未敢試而行之以俟識者再論學者宜致思焉

### 脈法

內經曰肝脈大急沈皆為疝心脈滑搏急為心疝肺脈沈搏為肺疝又三陽急為瘕三陰急為疝又曰太陰脈滑則病脾風疝厥陰脈滑則病狐疝少陰脈滑則病肺風疝陽明脈滑則病心風疝太陽脈滑則病腎風疝少陽脈滑則病肝風疝

脈經曰寸口脈弦而緊弦則衛氣不行則惡寒緊則不欲食弦緊相搏則為寒疝

跌陽脈浮而遲浮則為風虛遲則為寒疝寒疝繞臍痛若發則自汗出手足厥寒其脈沈弦者烏頭湯主之

### 方法

丹溪方法  
凡十三條

丹溪曰疝氣者畢凡連小腹急痛也有痛在畢凡者有痛在五樞穴邊者皆足厥陰之經也或無形或無聲或有形如瓜或有聲如蛙自素問而下皆以為寒蓋寒主收引經絡得寒則收而不行所以作痛然亦有踢冰涉水終身不病此者無熱故也大抵此證始於溼熱在經鬱而致久又得寒氣外束不得疎散所以作痛若只作寒論恐為未備或曰厥陰經鬱積溼熱何由而致予曰大勞則火起於筋醉飽則火起於胃房勞則火起



於腎大怒則火起於肝火積之久母能令子虛溼氣便盛濁液凝聚併入血隧流于厥陰厥陰屬木係于肝為將軍之官其性急速火性又暴為寒所束宜其痛之太暴也有以烏頭梔子等分作湯服之其効亦捷後用此方隨形證加減與之無不驗但溼熱又當分多少而治溼則腫多癩病是也又有挾虛而發者當以參朮為君疎導藥佐之脈甚沈緊而豁大無力者是也其痛亦輕但重墜牽引耳專主肝經與腎經絕無相干切不可下劫藥神効蓋溼熱因寒鬱而作用梔子以降溼熱烏頭以破寒鬱況二物皆下焦之藥而烏頭為梔子之所引其性急速不容胃中停留也又謂按之不痛者屬虛須加肉桂以薑汁丸服

一方定疝痛用海石香附為末薑汁調下

又方治諸疝定痛速効用枳實梔子糖棗即山查茱萸各炒溼盛者加荔枝核炒為末

丸服或用長流水調末子空心服一二錢一本有川棟子

又方治食積與瘀血成痛者一云少腹痛者有瘀血及有積熱

梔子仁 桃仁 山查 枳實 茱萸 各等分

右為末順流水入薑汁作湯調服

又方治陽明經受溼熱傳入大腸惡寒發熱少腹連毛際結核悶痛不可忍用山梔桃



仁橘核並炒山查等分入薑汁煎熟服

按之不痛者屬虛必用桂枝山梔子炒烏頭炮

右件為細末薑汁打糊為丸如梧桐子大每服四五十九切痛効

一方治癩腰痛者

一本腰不痛者  
本治癩要藥

蒼朮南星白芷山查半夏川芎枳實神麩糊丸服

諸疝發時用海石香附二味為末生薑汁入湯調服亦治心痛因清痰而作痛者

又治疝方橘核炒桃仁研梔子炒茱萸炒川烏炮水煎服

小腸氣腎核脹痛蒼朮陳皮川棟子各二錢半甘草五分紫蘇一錢半細切酒水各一

盞連鬚葱白五莖煎服

切疝藥用烏頭梔子炒搗細順流水入薑汁調服

陰囊腫脹大小便不通

白牽牛二兩

桑白皮

白朮

木通

去節

陳皮

各五錢

右為細末每服二錢薑湯調下空心服

凡疝氣挾虛者必以參朮為君佐以疎導之藥如川棟子茴香枳實山查梔子之類

三因葱白散治一切寒疝作痛

川芎

當歸

枳殼炒

厚朴炒

乾薑

官桂

青皮

茴香炒



川棟

茯苓

麥蘖炒

三稜炮

神麩炒

莪朮炮

熟地黄

白芍藥

木香

人參各等分

右細切每服五錢加葱白三莖鹽少許水煎空心溫服

又方桃仁二十四箇枸橛子十四箇瓦上炒山梔子九枚去皮吳茱萸七十粒山查子

十四箇並炒生薑一指大搗細以順流水一鍾盪起煎數沸連粗服

又方治癩不痛用蒼朮神麩白芷山查川芎梔子半夏入薑煎服

凡癩證非痛斷房事與厚味不可用藥

凡治七疝須先灸大敦穴

一名大順在足大拇指離爪甲如韭葉大灸三壯足厥陰井也

治疝氣神方其病甚至氣上衝如有物築塞心臟欲死手足冷者二三服除根

硫黃

不拘多少火中溶化即投水中出毒研細

荔枝核為末炒焦黃色

陳皮

右三味各等分為末飯丸如梧桐子大每服十四五丸酒下其痛立止自己覺疼甚

不能支持略用五六丸再不可多也

又治疝方

蒼朮

香附各鹽炒

黃柏

酒炒已上為君

青皮去穢

玄胡索

益智

桃仁已上為臣

茴香

附子

鹽炒

甘草

已上為使



右細切每服五錢順流水煎服

五葉湯洗疝痛立効

枇杷葉

野紫蘇葉

椒葉

蒼耳草葉

水晶蒲桃葉

右五味不拘多少量水煎湯浴洗

一方肥人腫疝作痛發熱惡寒 五苓散加茴香煎服神驗

吳茱萸湯治厥疝腹中冷痛積氣上逆致陰冷囊寒

吳茱萸 五分湯泡七次

川烏頭 炮去皮

細辛 各七分半

良薑

當歸

乾薑 炮

官桂 各二分半

右細切作一服水一盞煎七分溫服日進三服不痛為度

茴香棟實凡治控墨小腸痛結上而不下痛衝心膈

茴香 炒

棟實 去核畧炒

食茱萸 泡

陳皮 各一兩

馬蘭花 醋炒一兩

芫花 醋炒五錢

右為細末醋糊為丸如梧桐子大每服十九至二十九空心溫酒下

蒺藜湯治陰疝牽引小腹痛諸厥疝即陰疝也喜欲房勞痛不可忍

蒺藜 去刺炒

附子 炮去皮

梔子仁 各一錢



右細切作一服水一盞煎至六分食前溫服亦治前控暈小腸痛

木香散治心疝小腹痛悶絕不已

木香

陳皮各五分

良薑

訶子皮

赤芍藥

枳實

炒各二分半

草豆蔻

川芎

黑丑各二分

右細切水一盞煎七分去粗溫服

香殼散治小腸氣臍腹痛筋急陰股中痛悶暈不省人事

舶上茴香

鹽炒

枳殼各一兩

沒藥

五錢

右為細末每服一錢溫酒調下不拘時併進二三服効

寶鑑沈香桂附丸治中氣虛弱甚脾胃虛寒臟腑積冷心腹疼痛手足厥逆冷便利無度

七疝引痛喜熱物熨湯證

沈香

附子炮

川烏炮

乾薑炮

良薑炮

官桂

吳茱萸

湯泡

去苦

茴香

炒各一兩

右為細末醋煮麪糊為丸如梧桐子大每服五十九至七十九空心米飲下

元戎加味五苓散治疝氣卒痛小便秘澀

本方加川棟子一分

右為細末每服二錢空心米飲調下



茴香棟實丸治陰疝痛不可忍及小腸氣痛

川棟子炒

茴香炒

山茱萸

吳茱萸

青皮

陳皮

芫花

醋煮比前  
方宜減半

馬蘭花

食茱萸各等分

較之前方多吳茱萸青皮山茱萸

右為細末醋糊丸如梧桐子大每服三十九空溫酒下

天台烏藥散治小腸疝氣牽引臍腹疼痛

烏藥

木香

茴香炒

青皮

良薑炙各  
五錢

檳榔二枚

川棟子

十枚

巴豆七十枚

右先以巴豆微打破用川棟子麩炒黑去麩及巴豆不用其餘藥同為細末每服一

錢溫酒調下甚者薑酒調下

濟生葵子湯治膀胱實熱腹脹小便不通口舌乾燥膀胱作痛

赤茯苓

猪苓

冬葵子

枳實

瞿麥

木通

黃芩

車前子

滑石各五分

甘草二分半

右細切作一服加生薑三片水煎空心服

丁香棟實丸治男子七疝痛不可忍婦人癥聚帶下皆任脈所主陰經病也乃腎肝受邪

故治同法



當歸

附子炮

茴香炒

川棟子各一兩

右細切用好酒三升同煮酒盡為度焙乾為細末每末子一兩入

丁香

木香各五分

玄胡索五錢

全蝎十三箇炒

右為末與前藥同拌勻酒糊為丸如梧桐子大每服三十丸加至一百丸空心温酒

送下

一捏金散治七疝及奔豚氣痛不可忍者神効方見腹痛門

丹溪活套云凡治七疝多用熱藥而獲効者即內經從治之法耳須用寒涼藥監制之不

可純用大熱之劑如烏頭附子之類令人久服多服必變劇不可治矣但宜以二陳湯

加枳實橘核梔子山查等藥煎入生薑汁熱辣飲之如有瘀血作痛者本方加玄胡

索桃仁泥如有氣作痛者本方加木香茴香棟實等藥如六脈沈細手足厥冷者本

方加附子乾薑肉桂之類以佐之如畢丸痛甚者加荔枝核乳香沒藥為細末調入

本方煎藥內或另用順流水調服亦可如木腎腫大如升斗者本方去甘草加海藻

昆布荔枝核茴香川棟等藥為末順流水調服作九子亦可

祖傳經驗馬蘭花丸治七疝癩氣及婦人陰癩墜下小兒偏墜等證無有不効者

馬蘭花醋炒

川棟實

橘核

海藻洗淨

海帶洗淨

昆布三味俱洗



桃仁去皮尖  
各一兩

厚朴薑製

木通

枳實殼炒  
黃色

玄胡索杆碎炒

肉桂去粗皮

木香

檳榔各五錢

脈沈細手足逆冷者加川烏頭一箇五錢

右為細末酒糊丸如梧桐子大每服五七十九或酒或薑鹽湯送下

脚氣三十六

論

內經曰諸溼腫滿皆屬脾土又曰傷于溼者下先受之蓋脾主四肢足居於下而多受其溼溼鬱成熱溼熱相搏其病作矣是以先從氣衝穴隱核痛起及兩足脛紅腫或惡寒發熱狀若傷寒筋攣掣痛是其候也或一旬或半月復作如故漸漸而致於足筋腫大如瓜瓠者多有之矣東南卑溼之地北比皆是西北高燥之方鮮或有之古方名為緩風繇宋元以來呼為脚氣原其所由非止一端有從外感而得者有從內傷而致者所感雖有內外之殊其為溼熱之患則一也故異法方宜論云北方者其地高陵居風寒冰冽俗飲醱酪而肉食皆以飲多速飲為能經曰因而大飲則氣逆夫乳酪醇酒者溼熱之物飲之屬也加以奉養太過又滋其溼水性順下氣不能响故下注於足脛積久而為腫滿疼痛此飲食下流之所致也東南地勢卑下溼氣迷滿山澤行履坐臥無處不有若稟壯而氣實



者不能侵賊其氣虛血少之人或過房勞及負重遠行衝冒雨雪寒溼乘虛而客襲於足而成此證是外感寒溼之所致也大抵病因有內外之殊而治法無表裏之異耳故為治者宜通用蒼朮白朮之類以治其溼知母黃柏條芩之類以去其熱當歸芍藥生地黃之類以調其血木瓜檳榔之類以行其氣羌活獨活以利關節而散風溼兼用木通防己川牛膝之類引藥下行及消腫去溼以為此證大法不過如此東垣曰溼淫所勝治以苦溫以苦辛發之透關節勝溼為佐以苦寒泄之流溼清熱為臣故立當歸拈痛湯以治之其効捷如影響針經曰有道以來必有道以去治宜多以針灸為佳以導引其溼熱之氣外出也學者宜詳究焉

脈法

脈弦者風濡弱者溼洪數者熱遲澁者寒微滑者虛牢堅者實結則因氣散則因憂緊則因怒細則因悲

丹溪方法  
凡三條

丹溪曰脚氣從溼從下須提起其溼在下之藥隨氣血入心則恍惚謬妄嘔吐食不入眠臥不安左寸脈乍大乍小或乍有乍無者死入腎則腰脚腫小便不通呻吟目與額昏黑氣衝胸而喘左尺脈絕者死



治溼熱脚氣方

紫蘇

黃柏鹽酒拌炒

芍藥

木瓜

澤瀉去毛

木通去皮

防己

檳榔

蒼朮米泔浸

枳殼鉄炒黃色

甘草炙

香附童便浸炒

羌活已上等分

痛加木香

腫甚加大腹皮

發熱加黃連大黃

右細切水煎服痛除腫退則住服

防己飲

黃柏酒炒

蒼朮鹽水炒

白朮

防己各七分

生地黄

檳榔

川芎各五分

犀角屑

甘草節

木通

黃連各三分

右細切作一服水一盞半煎至一盞去粗食前温服

有熱加黃芩

熱甚及天令

暄熱加石膏

有痰加竹瀝薑汁或南星

便秘加桃仁

小便秘澀加牛膝如

常腫者專主乎溼熱肥人加痰藥

健步丸

蒼朮

當歸尾各一兩

生地黄

陳皮

芍藥各一兩半

川牛膝五錢

大腹子三錢

茱萸

條芩各五錢

桂心二錢

右為細末湯浸蒸餅為丸如梧桐子大每服一百丸白朮木通湯送下食前服



加味四物湯治脚氣衝心

本方加炒黃柏煎服更於湧泉穴用附子末津調捏作餅子貼穴上以艾炷多灸以泄引其熱下行

蒼朮防己丸治食積流注

蒼朮米泔浸炒

防己

黃柏酒炒

南星炮裂

川芎

白芷

犀角

檳榔各等分

血虛加川牛膝龜板

右為細末酒糊為丸如梧桐子大每服七八十丸白湯下

轉筋屬血熱四物湯加酒芩紅花煎服 有筋動於足大指上至大腿近腰結了此奉養

厚因風寒而作又當加蒼朮南星

羌活導滯湯治脚氣初發一身盡痛或肢節腫痛便溺阻隔先以此藥導之後用當歸拈

痛湯以撤其邪

羌活

獨活各一錢二分

防己

當歸尾各七分

大黃二錢四分

枳實五分

右細切作一服水一盞半煎至一盞去粗空心溫服

當歸拈痛湯治溼熱脚氣為病肢節煩疼肩背沈重胸脇不利兼遍身疼痛下注足脛腫

痛脚膝生瘡赤腫及裏外生瘡膿水不絕或痒或痛並宜服之



羌活 一錢

人參

苦參

升麻

葛根

蒼朮 各四分

甘草 炙

黃芩 酒炒

茵陳 酒洗各一錢

防風

當歸身 酒洗

知母 去毛酒製

澤瀉

猪苓 去皮

白朮 各五分

右細切作一服水二盞煎至一盞去粗空心溫服臨臥再進一服

開結導引丸治脚氣飲食不消心下痞悶

白朮 橘紅

澤瀉

神麴 炒

麥芽 炒

半夏 泡七次各一兩

枳實 炒

巴豆霜 各二錢半

青皮

乾生薑 各五錢

茯苓 一兩

右為細末湯浸蒸餅為丸如梧桐子大每服五十九或七十八丸溫水下

麻黃左經湯治風寒溼流注足太陽經腰脚攣關節重痛增寒壯熱無汗惡寒或自汗

惡風頭痛脚軟等證並皆治之

麻黃

乾葛

細辛

白朮

茯苓

防己

肉桂

羌活 各五分

甘草

防風 去蘆各二分半

右細切作一服加生薑三片大棗一枚水煎服

半夏左經湯治足少陽經為風寒溼流注發熱腰脇疼痛頭目眩暈嘔吐不食熱悶煩心

腿髀緩縱不能行步



半夏

乾葛

細辛

白朮

麥門冬

茯苓

肉桂

防風

乾薑

黃芩各五分

小草

甘草

柴胡各三分

右細切作一服加生薑三片大棗一枚水一盞半煎至一盞溫服如熱悶加竹瀝喘急加杏仁桑白皮

六物附子湯治四氣流注於足太陰經骨節煩疼四肢拘急自汗短氣小便不利手足或時浮腫

附子炮

肉桂

防己各一錢

甘草炙五分

白朮

茯苓各七分半

右細切作一服加生薑三片水一盞半煎至一盞溫服

局方換腿丸治足三陰經為四氣所乘發為攣痺緩縱上攻胸脇肩背下注脚膝疼痛足

心發熱行步艱難

薏苡仁炒

南星炮裂

石楠葉

石斛

檳榔

草薢

川牛膝

酒洗

羌活

防風

木瓜各四兩

黃芪

當歸尾

天麻

續斷各一兩

右為細末酒糊為丸如梧桐子大每服五十九鹽湯下

五積散治寒溼流注經絡脚膝腫滿疼痛等證方見腰痛門



導水丸治脚氣跗腫疼痛或發熱惡寒溼熱大盛者

大黃 黃芩 各二兩

黑丑 取頭末

滑石 各四兩

右為細末滴水為丸如梧桐子大每服四五十九丸溫水送下以利為度

除溼丹治諸溼病腰膝腫痛足脛浮腫筋脈動急津液凝滯便溺不利等證

檳榔 甘遂 剉包水煮

威靈仙 去蘆

赤芍藥

澤瀉

葶藶子 各二兩酒浸炒

乳香 沒藥 各一兩

黑丑 五錢

大戟 炒三兩

陳皮 四兩

右為細末麪糊為丸如梧桐子大每服五十九丸溫水下以利為度

三花神祐丸治溼熱流注足膝浮腫肢節煩疼行步重墜等證 方見痰飲門

祖傳經驗杉木節飲治脚氣發作惡寒發熱兩足腫大心煩體痛垂死者

杉木節 四兩

檳榔 七箇

大腹皮 酒洗一兩

青橘葉 四十片

右細切作一服用順流水三升煎至一升分作三服一日服盡如大便通利黃水其

病除根未愈過數日再煎一劑服之病根去為度外以杉木橘葉不拘多少煎湯洗之神効

又經驗勝溼餅子治遠年脚氣足脛腫如瓜瓠者

黑丑 一兩取頭末五錢

白丑 一兩取頭末五錢

甘遂 連珠者五錢



右三味再同研極細外用蕎麥麵一兩半連藥末和勻水調捏為餅子如折三錢大放飯上蒸熟每服一餅空心嚼茶清送下以利為度未利又服一餅忌甘草菘菜生冷油膩魚腥等物

痛風

古名痛痺

三十七

論

內經曰諸風掉眩強直支痛痠戾裏急筋縮皆足厥陰風木之位肝膽之氣也又曰風寒溼三氣雜至合而為痺其風氣勝者為行痺寒氣勝者為痛痺溼氣勝者為著痺以冬遇此為骨痺以春遇此為筋痺以夏遇此為脈痺以至陰六月也遇此為肌痺以秋遇此為皮痺夫古之所謂痛痺者即今之痛風也諸方書又謂之白虎歷節風以其走痛於四肢骨節如虎咬之狀而以其名名之耳丹溪曰大率因血虛受熱其血已自沸騰或加以以涉水受溼熱血得寒污濁凝滯不得運行所以作痛夜則痛甚行於陰也治以辛溫監以辛涼流散寒溼開通鬱結使血行氣和更能慎口節慾無有不安者也

脈法

脈經曰脈澁而緊者痺 少陰脈浮而弱弱則血不足浮則為風風血相搏則疼痛如掣 或人脈澁小短氣自汗出歷節痛不可屈伸此皆飲酒汗出當風所致也

醫

學

正

傳

卷四

三十三

會文堂書局印行



寸口脈沈而弦沈則主骨弦則主筋沈則為腎弦則為肝汗出入水中因水傷心歷節痛而黃汗出故曰歷節風也

味酸則傷筋筋傷則緩名曰泄味鹹則傷骨骨傷則痿名曰枯枯泄相搏名曰泄榮氣不通衛不獨行榮衛俱微三焦無御四屬斷絕身體羸瘦獨足腫大黃汗出脛冷假令發熱變為歷節風疼痛不可屈伸

方法

丹溪方法凡二十條

丹溪曰因溼痰濁血流注為病以其在下焦道路遠非烏附氣壯不能行故用為引經若以為主治之非惟無益而有殺人之毒此病必行氣流溼舒風導滯血補新血降陽升陰治有先後須明分腫與不腫可也不可食肉肉屬陽大能助火素有火盛者小水不能制若食肉厚味下有遺溺上有痞悶須將魚腥麪醬酒醋皆斷去之先以二陳湯加酒浸白芍藥少佐以黃連降心火看作何應又為區處也

大法用蒼朮南星川芎白芷當歸酒芍在上者加羌活桂枝桔梗威靈仙在下者加牛膝防己木通黃柏

加味四物湯治白虎歷節風證本方加

桃仁

煮數次去皮尖

牛膝酒

陳皮

茯苓

甘草

白芷

草龍胆

各等分



右細切作一服水二鍾煎至一鍾去粗溫服 如痛在上者屬風加羌活桂枝威靈

仙 在下者屬溼加牛膝防己木通黃柏 氣虛者加人參白朮龜板 有痰者加

南星半夏生薑 血虛者倍川歸川芎佐以桃仁紅花水煎服之

因溼者二陳湯加酒洗黃芩羌活蒼朮

或因溼者用蒼朮白朮佐以竹瀝薑汁及行氣之藥

或曰有溼鬱而周身走痛或關節間痛遇陰寒即發當作溼鬱治或用白朮一味酒煎服之其痛立愈

肥人多是溼與痰飲流注經絡服必滑瘦人多是血虛與熱服必滋

下部有溼腫痛用防己龍胆草黃柏知母固是捷藥若肥人病此宜蒼朮白朮南星滑

石茯苓之類瘦人宜用當歸紅花桃仁牛膝檳榔等藥

薄桂味淡者能橫行手臂領南星蒼朮等藥至痛處

威靈仙治上體痛風人虛弱勿用

一方治上中下痛風

黃柏

酒炒

蒼朮

米泔浸一二宿

南星

各二兩

神麩

炒

台芎

各一兩

防風

白芷

錢

桃仁

各五錢

威靈仙

酒炒

桂枝

橫行手臂

羌活

各二錢

草龍膽

一錢五分

酒紅花

五分



右為細末神麴糊丸如梧桐子大每服一百丸空腹服

大羌活湯治風溼相搏肢節疼痛

羌活 升麻各一錢 獨活 七分 蒼朮 防己 威靈仙 川歸

白朮 茯苓 澤瀉 各五分 右細切作一服水二盞煎至一盞去粗空心溫服

四妙散治走注疼痛

威靈仙 酒浸焙乾五錢 羯羊角灰 三錢 蒼耳子 一錢五分 白芥子 一錢半炒

右為細末每服一錢七薑湯調下

一方治飲酒溼痰痛風

黃柏 酒炒 威靈仙 酒炒各五錢 蒼朮 米泔浸一宿 羌活 各三錢 甘草 炙三錢

陳皮 去白 芍藥 各一錢

右為細末每服一錢七生薑湯調下

凡因久痢後兩脚痠軟疼痛或膝腫如鼓槌者此亡陰也宜以芍歸熟地黃等補血

藥治之自愈挾氣虛者加參芪挾風溼者加羌活防風白朮之類切不可純作風治

反燥其血終不能愈

氣血兩虛有痰濁陰火痛風



人參

山藥

海石

南星各一兩

白朮

熟地黄

黃柏酒炒

龜板酥炙各二兩

乾薑燒存性

瑣湯各五錢

右為末酒糊為丸服

肢節腫痛痛屬火腫屬溼兼受風寒而發動於經絡之中溼熱流注於肢節之間而無

已也

麻黃去根節

赤芍藥各一錢

防風

荆芥

羌活

獨活

白芷

蒼朮

威靈仙

片苓酒浸

枳實

桔梗

葛根

川芎各五分

甘草

當歸梢

升麻各三分

右細切作一服水二盞煎至一盞去渣服

下焦加酒黃柏婦人加酒紅花 腫多加

枳榔大腹皮澤瀉更加沒藥一錢定痛尤妙 一云脈溢數者有瘀血宜用桃仁

紅花芍歸加大黃微利之

二妙散治脚膝下焦溼熱成痛

黃柏

酒浸焙乾二兩

蒼朮

米泔浸春秋二宿冬三宿夏一宿四兩

右為細末沸湯入薑汁調服或用蒸餅為丸薑鹽湯送下二味皆有雄壯之氣表實

氣實者加酒少許佐之有氣加氣藥血虛加補血藥痛甚者加生薑汁熱服

潛行散用黃柏一味酒浸曝乾為細末每服方寸匕煎四物湯調下治血虛陰火痛風藥



也多服貼數取效

手臂痛是上焦溼痰橫行經絡中作痛也

半夏

酒芍

白朮

南星

香附各一錢

陳皮

茯苓各五分

蒼朮一錢半

威靈仙三錢

甘草三分

右細切作一服加生薑五片水二盞煎至一盞食後服

加味二陳湯治臂痛

本方加酒芍羌活威靈仙入薑水煎食後溫服

一方治痛風神效

赤芍藥

青皮各一錢半

紫威

台芎各七分半

威靈仙

木鱉子各一錢半

防風七分半

甘草五分

右細切作一服酒煎服之

治婦人胸背脇走痛

赤芍藥一錢

桂枝

蒼朮各五分

香附

炒黃柏各一錢

甘草五分

威靈仙七錢半酒拌溼炒

右細切作一服水二盞煎至一盞服

治走注疼痛方

威靈仙

蒼朮米泔浸

桂枝

川歸酒洗

桃仁去皮尖炒

生桃仁七箇



甘草 二錢 川芎 一錢半

右細切作一服加生薑五片水二盞煎至一盞入童便竹瀝各半盞再煎至一盞熟服忌猪羊雞肉魚腥溼麪

定痛丸治風溼一切痛

乳香 沒藥 金星草 地龍 去土炒 五靈脂 木鱉子 去壳

右各等分為細末煉蜜為丸如彈子大每服一丸温酒磨化下或只作小丸温酒送下亦可

世俗有用草藥而獲速效者如用石絲以為之君過山龍等以為之佐皆性熱而燥者不能養筋滋陰但能燥溼病之淺者溼痰得燥而開瘀血得熱而行故有速效若病之深而血少者愈切愈虛而病愈深矣戒之戒之

黃芪酒治風寒溼痺身體頑麻皮膚燥痒筋脈攣急語言蹇澀手足不遂等証

黃芪 防風 桂枝 天麻 草薺 石斛 虎脛骨 酥炙

白芍藥 當歸 雲母粉 白朮 茵芋葉 木香 仙靈脾

甘草 川續斷 各一兩

右細切以生絹袋盛用無灰好酒一斗以瓮罐浸之包封罐口勿令泄氣春五夏三



秋七冬十日每服一盞溫飲之不拘時候

獨活寄生湯治肝腎虛弱感冒風溼致痿痺兩足緩縱軟弱不仁 方見腰痛門

防風天麻散治風溼麻痺肢節走注疼痛中風偏枯或暴瘖不語內外風熱壅滯昏眩

防風 天麻 川芎 羌活 白芷 草烏頭 白附子

荆芥穗 當歸 甘草 各五錢 白滑石 二兩

右為細末每服五分加至一錢熱酒化蜜少許調下覺藥力運行微麻為度或煉蜜為丸如彈子大每服半丸至一丸熱酒化下白湯亦可此藥散鬱開結宣風通氣之

妙劑也

舒筋湯治臂痛不能舉蓋是氣血凝滯經絡不行所致一名通氣飲子一名五痺湯其効如神

片子薑黃 二錢 甘草 炙 羌活 各五分 海桐皮 去外 當歸 去頭

赤芍藥 白朮 各一錢

右細切作一服加生薑三片水一盞半煎至一盞去粗磨沈香水少許入內溫服凡

腰已上痛食後腰以下痛食前服

祖傳經驗九藤酒治遠年痛風及中風左癱右痿筋脈拘急日夜作痛叫呼不已等証其

功甚速



青藤

釣鈞藤

紅藤即理省藤也

丁公藤又名風藤

桑絡藤

兔絲藤即無

根天仙藤即青木香也

陰地蕨名地茶取根各四兩

忍冬藤

五味子藤俗名紅內消各二兩

右細切以無灰老酒一大斗用磁罐一箇盛酒其藥用真綿包裏放酒中浸之密封罐口不可泄氣春秋七日冬十日夏五日每服一盞日三服病在上食後及臥後服病在下空心食前服

經驗加味二妙丸治兩足溼痺疼痛或如火燎從足跗熱起漸至腰胯或麻痺痿軟皆是溼為病此藥主之

蒼朮四兩米泔浸

黃柏二兩酒浸日乾

川牛膝一兩去蘆

當歸尾一兩酒洗

川草薢一兩

防己一兩

龜板酥炙一兩

右為細末酒煮麪糊為丸如梧桐子大每服一百丸空心薑鹽湯下

經驗川木通湯一男子年四十歲因感風溼得白虎歷節風証遍身抽掣疼痛足不能履地者三年百方不效身體羸瘦骨立自分於死一日夢與木通湯服愈遂以四物湯加木通服不効後以木通二兩剉細長流水煎汁頓服服後一時許遍身痒甚上體發紅丹如小豆大粒舉家驚惶隨手沒去出汗至腰而止上體不痛矣次日又如前煎服下體又發紅丹方出汗至足底汗乾後通身舒暢而無痛矣一月後人壯氣復步履如初



後以此法治數人皆驗故錄於此以示後學

經驗薰洗痛風法治手足冷痛如虎咬者

用樟木屑一斗以急流水一擔熬沸以樟木屑置於大桶內桶邊放一瓦甃用前沸湯泡之桶內安一矮甃子令人坐桶邊放一脚在內外以草薦一領圍之勿令湯氣入眼恐壞眼其功甚捷

痿証 三十八

論

內經曰肺熱葉焦五臟因而受之發為痿躄心氣熱為脈痿則脛縱而不任地肝氣熱為筋痿故筋急而攣脾氣熱為肉痿則胃乾而渴肌肉不仁腎氣熱為骨痿則腰膝不舉骨枯而髓減又曰治痿者獨取陽明一經陽明者五臟六腑之海主潤宗筋能束骨而利機關也衝脈者經脈之海也主滲灌谿谷與陽明合於宗筋陰陽總宗筋之會會於氣衝而陽明為之長皆屬於帶脈而絡於督脈故陽明虛則宗筋弛縱帶脈不引故足痿不用也治法各補其榮而通其腧調其虛實和其逆順筋脈骨肉各以其時受月則病已矣言治諸痿宜調補各臟以待其旺月而病安也丹溪曰內經謂諸痿起於肺熱又謂治痿獨取陽明一經蓋肺金體燥居上而主氣畏火者也脾土性溼居中而主四肢畏木者也



火性炎上若嗜慾無節則水失所養火寡于畏而侮所勝肺得火邪而熱矣木性剛急肺受熱則金失所養木寡于畏而侮所勝脾得木邪而傷矣肺熱則不能管攝一身脾傷則四肢不能為用而諸痿作矣瀉南方則肺金清而東方不實何脾傷之有補北方則心火降而西方不虛何肺熱之有故陽明實則宗筋潤能束骨而利機關矣治痿之法無出於此雖然天產作陽厚味發熱凡病痿者若不淡薄食味吾知必不能保其安全也又曰內經論風論痿各有篇目源流不同治法迥異局方乃以治風之藥通治諸痿何其謬哉按丹溪此論一出掃盡千古之弊叮嚀告戒極其明白學者睨而不視則為瞶者之雷霆瞽者之日月耳夫醫者為人之司命其可不盡心於此乎

脈法

脈經曰肺痿脈必浮而弱其人欲效不得效則出乾沫久久則小便不利

寸口脈不出反為發汗陽脈早索陰脈不澁三焦踟躕入而不出陰脈不澁身體反冷其內反煩多吐唇燥小便反難此為肺痿傷于津液便如爛瓜亦如豚膏但因誤發汗故也

方法丹溪方法凡九條

丹溪曰有溼熱有痰有血虛有氣虛亦有死血者有食積妨礙升降者盧氏曰上文論痿起於肺熱實痿之



本論治法之大要也而此云然者蓋以其發而為病所因所挾或有不同而主治亦當各著其重也

東垣取黃柏為君黃芪等補藥為輔佐以治諸痿無一定之方有兼痰積者有溼多者

有熱多者有溼熱相半者有挾氣者臨病制方其善於治痿者乎

溼熱用東垣健步丸加燥溼降火之劑黃柏黃芩蒼朮之類

溼痰用二陳湯加蒼朮白朮黃芩黃柏之類入竹瀝薑汁

血虛用四物湯加蒼朮黃柏下補陰丸

氣虛用四君子湯加蒼朮黃芩黃柏

黃柏蒼朮治痿之要藥也

虎潛丸補腎丸皆可治痿

加味四物湯治諸痿四肢軟弱不能舉動

當歸身一錢

熟地黃三錢

白芍藥

川芎各七分半

五味子九枚

麥門冬一錢

人參五分

黃柏一錢

黃連五分

知母三分

杜仲七分半

牛膝三分足不軟者不用

蒼朮一錢

右細切作一服水二盞煎至一盞空心溫服酒糊為丸服亦可一云血虛者以四物

湯加黃柏蒼朮下補陰丸



健步丸治膝中無力屈伸不便腰背腿脚沈重行步艱難

羌活

柴胡

滑石炒

甘草炙

瓜蒌根

酒洗

肉桂各五分

防風

澤瀉各三錢

防己酒洗一兩

川烏炮

苦參

酒浸各三錢

右為細末湯煮麩糊為丸如梧桐子大每服七十丸煎愈風湯下一云荆芥湯下按荆芥湯又號為愈

也風湯

大防風湯治兩足痿弱或沈重麻痺不能行動兩膝虛腫名曰鶴膝風等証方見中風門

祖傳經驗方治兩足痿弱軟痛或如火焙從足踝下上衝腿胯等証因溼熱所成者

蒼朮米泔浸一宿

黃柏酒浸日乾各四兩

牛膝去蘆二兩

龜板酥炙

虎脛骨酥炙

防己各一兩

當歸尾二兩

右為細末麩糊為丸如梧桐子大每服七十丸或一百丸空心薑鹽湯下

一方加炮附子五錢

又經驗鹿角膠丸治血氣虛弱兩足痿軟不能行動久臥床褥之証神効

鹿角膠一斤

鹿角霜

熟地黃各半斤

川牛膝

白茯苓

兔絲子

人參各二兩

當歸身四兩

白朮

杜仲各二兩

虎脛骨酥炙

龜板酥炙

各一兩



右為細末另將鹿角膠用無灰酒二盞烱化為丸如梧桐子大每服一百丸空心薑鹽湯下

諸蟲附發砂 三十九

論

內經曰腸胃為市無物不受無物不包又曰飲食自倍腸胃乃傷若夫飲食不能謹節則朝損暮傷自傷成積積久成熟溼熱相生而諸般奇形之虫各從五行之氣而化生矣若腐草為螢之類是也外臺秘要所謂九虫者皆能食人腑臟一曰伏虫長四寸許二曰蛔虫長尺許三曰白虫長四五尺餘四曰肉虫狀若爛杏五曰肺虫其狀如蚕六曰蝟虫狀如蝦蟆七曰弱虫又名膈虫狀如瓜瓣八曰赤虫狀如生肉九曰蟻虫狀如菜虫形至細微其伏虫又為諸虫之主也蛔虫膈虫生發多則貫心即殺人白虫母子相生其形轉大而長亦能殺人肉虫食人令人煩滿肺虫令人咳嗽蝟虫令人嘔吐效逆喜噦弱虫令人多唾赤虫令人腸鳴蟻虫居廣腸多則為痔劇則為癩因人瘡處以生諸癰疽癰痿癩疥齧蝕若虫之類無所不為人亦不必盡有亦不必甚多或偏有或偏無皆能為害者也凡此諸虫依附腸胃之間若元氣尚實未為大害稍有虛損遂能侵蝕隨其虫動而變生諸病也若夫膈噎勞瘵癩風蠱脹狐惑傷寒等証無不生虫又如蜈蚣應聲虫



之類未易悉舉醫者宜於各類推而治之可也

脈法

脈沈實者生虛大者死

尺脈沈而滑者為寸白虫

蠶蝕陰肛脈虛小者生緊急者死

外臺云虫脈當沈弱而弦今反洪大即知蛔虫甚也

方法丹溪方法凡二條

丹溪曰溼熱之生虫臟腑虛則侵蝕上半月虫頭向上易治下半月虫頭向下難治二月

字恐並當作日字蓋虫無半月一轉頭之理也先以蜜或砂糖或炒吃引虫頭向上然後用殺虫藥

腹內熱腸胃虛虫行求食上唇有瘡曰惑虫食其臟下唇有瘡曰狐虫食其肛

治蠶桃仁湯治狐惑唇口生瘡上唇蟲食其臟下唇蟲食其肛

桃仁 槐子 艾各五錢 大棗十五枚

右用水二盞半煎至一盞半分二服

雄黃銳散治前証

雄黃 青箱子 苦參 黃連各二錢 桃仁一錢



右為末搗新艾汁和捏如小指頭大納穀道中治蟲食其肛也

寶鑑化蟲丸治諸蟲

鶴虱 去土

檳榔

苦楝根 東引不出上者

胡粉 炒各一兩

明白礬 枯二錢半

右為細末米糊為丸如梧桐子大一歲兒服五丸量人大小加減丸數溫漿水入生麻油三四點打勻送下清米飲亦可不拘時候其虫細小者皆化為水大者自下

集効丸

木香

鶴虱 炒

枳榔

訶子 款裏煨去核

蕪荑 炒

附子 炮去皮臍

乾薑 各七錢半

大黃 一兩半

烏梅 十四箇去核

右為末煉蜜丸如麻子大陳皮湯或醋湯下

一方加黃連黃柏 各七錢半

萬應丸

檳榔 五兩

大黃 八兩

黑丑 四兩已上三味為末

皂莢 十挺不蛀者

苦楝根皮 一斤

右先以皂莢苦楝用水二大碗熬成膏一處搜和藥末為丸如梧桐子大又以沈香木香雷丸各一兩為末為衣先以沈香衣次用雷丸衣又次用木香衣每服三丸四

更時用砂糖水送下



一方用雞子炒白鐵塵酒糊丸服治寸白虫

一方黑鉛炒成灰檳榔末等分和勻米飲調下

化虫丸能化虫為水

硫黃 一兩

木香 五錢

密陀僧

附子 一枚炮另為末

右先以附子末醋一盞熬膏餘藥研為細末以附子膏和勻丸如菜豆大每服二十

丸荆芥茶清下

一方用苦楝根檳榔鶴虱三味濃煎湯飲之

前胡湯治脾勞身熱內有白虫在脾為病令人好嘔而胸中咳嘔而不出

前胡

白朮

赤茯苓

細辛

杏仁 去皮尖另研

草龍膽

常山 各二錢

枳實

松蘿 各七分

旋覆花 五分

竹葉 七片

右細切作一服水二大盞煎至一盞去粗溫服 如腹中熱滿悶加芒硝五分梔子

黃芩苦參各五分加水煎忘桃李雀肉醋生葱菜等物

茱萸根湯治脾勞熱內有白虫食脾為病與前証同

吳茱萸根 東引者一錢

大麻子 八錢

陳皮 一兩半

右三味細切水煎服或下虫或下黃汁凡合此藥禁聲勿語虫覺便無効此方治虫



甚驗

五膈下氣丸治肺勞熱瘦損內有肺虫在肺為病令人咳逆氣喘或謂憂忿氣膈寒熱皆從勞之所生名曰膏肓疾針灸不着

麥門冬五兩去心

蜀椒炒出汗

遠志肉

附子各五錢

乾生薑五錢

甘草錢五

人參七錢

桂心二錢

百部

白朮

黃芪各七錢半

細辛五錢

杏仁去皮尖及雙仁者二十四粒

右為細末煉蜜丸如彈子大每服一丸徐徐噲化嚥汁忌猪肉冷水海藻菘菜生葱

桃李雀肉等物

千金散療腎勞熱四肢腫急蟻虫生於腎中為病

貫衆三兩炒

乾漆二兩炒

蕪美

胡粉

槐白皮各一兩

吳茱萸五粒

杏仁四十五粒去皮尖炒

右為細末平旦以井花水調服方寸匕漸增之以病瘥止

三聖飲子治勞熱生虫在肺為病

吳茱萸根東引者五兩

狼牙子三兩

桑白皮東引者一升

右三味細切以酒七升煮取一升半平旦服盡



五鳳丸治肝勞熱生長虫在肝為病令人恐畏不安眼中赤癰

烏雞卵五枚  
去黃

黃蠟三兩

乾漆四兩  
烟盡

粳米粉半升

東引吳茱萸根切三升

右五味以茱萸根乾漆杵為細末和入銅銚中火煉可丸如小豎大隔宿勿食後飯  
清晨以米飲下一百二十九小兒五十九虫即爛盡

雷公丸治心勞發熱心裏有長虫名曰蠱虫長一尺許貫心即死

雷丸炒五枚

陳皮各一兩  
二錢半

貫眾

蕪荑

青箱子

乾漆炒烟盡  
各一兩

殭蚕十四枚  
炒

亂髮如雞子大塊  
瓶內燒存性

桃仁去皮尖另研  
一兩二錢半

右為細末煉蜜丸如小豎大空心温酒送下二十九日三服自前胡湯以下七方治  
五臟勞虫方也當與前

勞極方  
互用

廣濟療蛔虫方

檳榔十枚  
細切

酸石榴根東引者  
切二升

右二味以水七升煮取二升半去粗以粳米煮稀粥平旦空腹食之少間虫並死快

利神効

又治蛔虫方



用苦楝根生子東引不出土者刮去外粗皮取內白皮二兩

右以水三碗煮取一碗半去粗用晚粳米三合煮糜粥空心先以炒肉一二片吃引

虫向上然後進藥粥一二口少頃又吃一二口漸漸加至一碗或二碗其虫盡下而

愈

祖傳經驗棋榔丸治小兒疳積氣塊痛腹大有虫等証

三稜細切醋炒五錢

莪朮細切醋炒五錢

檳榔 一兩

枳實去穢炒黃色

陳皮去白各五錢

蕪荑 二錢半

雷丸 五錢

鶴虱三錢畧炒

乾漆五錢炒無烟

木香三錢不見火

良薑二錢陳壁土炒

砂仁 一錢去壳

麥蘖五錢炒

胡黃連 三錢炒

甘草 三錢炙

神麴五錢炒黃色

右為細末醋米糊為丸如菜豈大每服三五十九空心淡薑湯下今加使君子肉五

錢尤妙

又經驗方治婦人陰蝕瘡陰戶中有細虫其痒不可忍食入臟腑即死令人發寒熱與勞

証相似

先用蛇床子煎湯洗淨挹乾敷後藥

梓樹皮 不拘多少



右焙乾為末入枯礬四分之一麝香少許敷之立効  
予曾治一婦人因採桑見桑有金虫如蚕者被其毒謂之金蚕毒腹中疔痛欲死予  
治予以樟木屑濃煎湯與之大吐吐出有金絲如亂髮者一塊腹痛減十分之七八  
又與甘草湯連進二三盞而安

醫學正傳卷之四終

醫學

正

傳

卷四


四十三

會文堂書局印行











Y944  
1924  
v. 4